




**WINIM
K250
PAINIM BAL
RESIS NO 6**



**Lukim 28th Independens na
Goroka SO saplimen insait**



**CL. BEMKAS na
FARMERS GROUP
STOPPE KORAPSEN
NAU!**

INSAIT

Korapsen long aid i kam long PNG em giaman toktok: Namaliu

Neville Choi i raitim

FOREN Afes Minista Sir Rabbie Namaliu i tok olsem toktok i kam long Australia olsem korapsen i wok long bagarapim aid o helpim mani bilong ol em i giaman toktok.

Em i tok sapos i gat korapsen insait long helpim mani i kam long Australia, em i wok long kamap bikos AusAID, husat i save lukautim dispela aid program bilong Australia long PNG, i no stapim dispela kain paul pasin.

Sir Rabbie i bin toktok long ol nius midia long aste, na em i toksave olsem em bai go pas long toktok wantaim gavman bilong Australia long glasim gut helpim bilong ol i kam long PNG long senisim bai ol pipel bilong Australia bai inap long save mani bilong ol i helpim ol pipel bilong PNG olsem wanem, na yumi yet i ken putim dispela helpim mani i go long ol projek we yumi bai kism moa developmen long en.

Em i givim tok klia long rot we helpim bilong Australia i kam long en.

Long 1987, Pias Wingti i bin praim minista na em i bin sainim wanpela triti o agrimen bilong wok bung wantaim Australia long wok developmen wantaim Praim Minista bilong Australia long dispela taim, Bob Hawke.

Olgeta gavman bihain long dispela taim i bin wok wantaim dispela triti aninit long narapela agrimen ol i kolim 'Joint Declaration of Principles'. Taim Australia i bin givim aid long dispela taim, i save go stret long baset bilong kantri. Long 1990,

dispela i bin senis na aid bilong Australia i bin kam stret i go long wanwan projek.

Tasol nau dispela helpim mani i wok long kam na Australian gavman na ol kampani bilong Australia yet i lukautim dispela mani na mekim ol projek.

Sir Rabbie i tok strong olsem planti toktok i kamap long Australia olsem Australia i no wanbel long PNG bikos PNG i wok long paulim aid mani bilong ol. Em i tok dispela i no stret na husat man i wok long tromoi dispela toktok i no klia long wok bilong aid.


Em i tok olsem PNG gavman i nogat bikpela toktok long wanem projek bai i gutpela long PNG aninit long dispela helpim.

Em i givim wanpela tok piksa long soim olsem helpim i kam long Australia i save go long ol projek we ol yet i laik mekim na PNG i no save kism inap developmen long ol.

Sir Rabbie i tok olsem wanpela AusAID projek em long putim ol kompyuta i go insait long sampela gavman dipatmen, na plis em wanpela. Em i tok olsem dispela projek i givim bikpela mani i go long ol kompyuta kampani bilong Australia, tasol i no helpim stret wok bilong plis long helpim developmen.

"Olsem wanem long trenim ol plisman long stapim raskol pasin long graun, o givim moa helpim i go long ol plis stesin long ol rurel eria? Dispela bai givim moa helpim long plis dipatmen," Sir Rabbie i tok.

Igo moa long pes 2



as i kamap pinis?

Poto: JEREMY BURGESS

NOGAT ya, tasol i kam klostu nau. Ol strit na setelmen pikinini husat i save go long City Mission long Pot Mosbi long olgeta Trinde long kism kaikai i kirap nogut taim Senta Klos i kamap long liklik bung bilong ol long las wik.



**We bilong Votim ol
Nambawan pilaia bilong yu.
Lukim long pes 27,28, na 29**

STRONGPELA TRU

Colgate

Toothpaste bilong PNG stret!

Ol memba sapot long kisim ol mani

OL MEMBA bilong Nesenel Palamen i givim sapot bilong ol long gavman i mas karim ol ilektorel developmen fan i kam bek na tilim aut long wanwan memba bilong kirapim ol developmen projek insait long ol ilektoret bilong ol.

Gavana bilong Madang, James Yali i bin putim wanpela mosen o askim long palamen long senisim sampela disisen bilong Nesenel Eksekutiv Kaunsol (NEC).

Dispela mosen em i putim i askim palamen

long givim oda i go long Tresera Bart Philemon long em i mas tilim aut ol Distrik Progrem Fan bilong 2000 na 2001 i go long ol memba husat i no bin kisim ol dispela mani bilong ol bihain long gavman long dispela taim i bin mekim wanpela disisen long rausim ol dispela distrik fan.


NEC i bin mekim dispela disisen long Ogas long las yia.

Planti memba i bin givim bikpela sapot

bilong ol i go long dispela mosen i mas go het.

Planti long ol memba i tokaut olsem i gat planti manmeri husat i save askim long kain kain samting na ol i nogat mani long helpim ol pipel bilong ol.

Dispela mosen nau bai lukim Mista Philemon i mas painim moa long K160 milien long tilim aut long ol memba husat i no kisim yet.



• Ol memba bilong palamen i kisim taim stret long painim telefon long ring i go long ples bikos ol i katim ol telefon lain long hap. Ol i rausim hevi bilong ol long ol liklik samting olsem tolet pepa na ol arapela samting we ol i mas i gat long mekim wok bilong ol pipel bilong ol.

I gutpela na ol i rausim belhat bilong ol long kain samting olsem tolet pepa. Planti taim ol i save soim olsem ol i antap tru. Tasol nau mipela i save olsem ol tu man ya.

• I gutpela tru olsem Minista lukautim plis i tok olsem ol memba i noken raitim pas i go long em long askim long ol plisman bilong lukautim skin bilong ol.

Ol wanem kain man tru na ol i mas gat plis long lukautim ol yet. Plis em bilong lukautim ol pipel bilong Papua Niugini.

I no bilong wan wan man tasol. Taim ol lida bilong yumi i stat long yusim plis olsem praivet sekyuriti bisnis bilong ol, em korapsen i save kamap.

Ol lida bilong mipela, ting ting pastaim long ol pipel na bihain tingim skin bilong yu yet.

• Minista bilong Turisim, Nick Kuman i autim belhat bilong em long ol kain kain hevi bilong Air Niugini.

I luk olsem nau tasol em i kirap nogut long ol dispela kain samting.

Planti manmeri bilong Pot Mosbi i save kisim taim na painim hat tru long bungim mani long baim ol balus tiket we prais bilong i go antap tru.

Ol i save go sindaun, silip na kirap long Jacksons ples balus taim Air Niugini i save kenselim ol balus i go aut.

Mista Kuman i noken kirap nogut. Ol pipel i stap long dispela hevi long taim pinis, tasol ol bai mekim wanem?

Ol lida i mas noken tok-tok tasol na kros taim ol yet i kisim taim long ol kain samting olsem. Ol i mas lukluk long stretim.

Aimo i askim Minista bilong Inta Gavman Rilesens, Sir Peter Barter, long tok klia sapos ol lokol level gavman inap long sanap long ileksen bilong Gavana bilong Is Sepik.

MEMBA bilong Ambunti-Drekikir, Tony Aimo i askim Minista bilong Inta Gavman Rilesens, Sir Peter Barter, long tok klia sapos ol lokol level gavman inap long sanap long ileksen bilong Gavana bilong Is Sepik.

Mista Aimo, i tokim palamen long Tunde olsem sampela memba ria presiden bilong ol lokol level gavman long Is Sepik i tokaut olsem ol i laik

sanap long ileksen bilong gavana bilong Is Sepik provins.

Sir Peter i bekim na tok olsem aninit long Mama Lo bilong PNG em dispela posisen bilong gavana, em ol memba bilong palamen yet i ken sanap long en. Tasol ol LLG presiden tu inap long sanap sapos olgeta memba bilong palamen i kisim wok long ol nesenel opis o sapos ol i dai.



Pilaim musik bilong gutpela sindaun • Dispela lid gita man i givim stret long pairapim stail musik bilong ol ben bilong Bogenvil. Boi nogut ya em i givim stret long soim kala bilong ol yangpela ben bilong Bogenvil. Ol ben bilong Bogenvil i kam stap long Pot Mosbi long tupela wik pinis long wanpela raun bilong promotim gutpela sindaun na wok bung wantaim long provins bilong ol.

Las wik olgeta i go pilai long Sports Inn long Pot Mosbi. Na ol bai pilai ken long ol liklik fan reising dens bilong ol wantok bilong ol long Mosbi. *Poto: JOE IVAHARIA*

Gutpela pasin i sot long PNG

PAPUA Niugini bai lukim yet hevi bilong korapsen bikos ol pipel i wok long lukluk tumas long lo na i no long stretpela tingting na gutpela pasin.

Ol dispela stretpela tingting na gutpela pasin tu bai dai isi isi long kantri sapos ol i no kamapim na strongim ol dispela samting namel long yumi yet.

Dispela toktok i kam long eksekutiv dairekta bilong Papua Niugini Institut oy Akauntens, Timothy Vatnabar, taim em i toktok long ol Divine Word Yunivesiti bisnis stadies sumatin long namba 3 enyuel Etiks Simposium long Madang las Fraide.

Dispela simposium em ol finel yia

digri bisnis sumatin i kamapim na het tok bilong en em 'Towards moral recovery' o 'Go het long kisim bek ol stretpela tingting na gutpela pasin'.

Mista Vatnabar i tok sosaiti i nidim stretim dispela ol tingting na pasin bikos nau yet i luk olsem i gat planti korapsen i wok long kamap long bisnis sekta.

Plis sasim Jimmy Maladina ken

PLIS long Pot Mosbi i sasim olpela siaman bilong Nesenel Providen Fan (NASFUND) Jimmy Maladina wantaim 8-pela moa sas.

Dispela em i antap long 9-pela sas bilong pastaim taim em i kam bek long Australia.

Long dispela taim plis i bin sasim em long dispela 9-pela sas bikos ol i tok em i paulim moa long K2 milien kina bilong NPF.

Ol dispela nupela sas we plis i sasim em long en em bikos ol i painim aut moa samting i soim olsem Mista Maladina i mas paulim nara-

pela K470,000 ken taim em i bin siaman bilong bod bilong NPF.

Metropolitan Suparintenden bilong plis long Pot Mosbi, Emmanuel Hela i tokim ol niusman olsem plis i bin kisim Mista Maladina i go long Boroko plis stesin long Tunde bihain long Nesenel Frod na Enti Korapsen Skwad i pinis long askim em long dispela hap mani.

Plis i bin lusim em bihain long em i baim K10,000 beil mani.

Em i bin sanap long Waigani Komitel Kot long aste.

Eben LLG asosiesen i strongim wok

William Natera i raitim

PAPUA Niugini Eben Level Lokel Gavman Asosiesen (PNGULLGA) i wok long kamapim wanpela koporet plen long strongim wok bilong ol long kantri.

Asosiesen long las mun (Ogas 28 - 29) i bin bung wantaim Lokel Gavman Asosiesen bilong New South Wales na Shires Asosiesen (LGA&SA) bilong New South Wales long Australia na holim wanpela wok-sop. LGA&SA em i

susa ogenaisesen bilong PNGULLGA long Australia na ol i wok long helpim ol long kamapim dispela plen.

Dispela plen bai helpim PNGULLGA long mekim sevis bilong em long olgeta level i go long ol memba kaunsil bilong em i kamap gut moa na tu strongim ol long kariraut wok bilong aninit long wanem samting Mama Lo i tok long ol lokel gavman i mas mekim.

Ol mausman bilong ol memba

kaunsil bilong PNGULLGA husat i bin sindaun long dispela woksop i autim planti gutpela tingting long wanem ol samting i wok long bagarapim ol strongim wok bilong ol na ol wanem kain senis ol i laikim long kamap.

Plen ol i mekim bai ol i lukluk gen long en long lukim sapos ol i laik putim o rausim sampela samting long en long PNGULLGA Enuel Konferens bilong ol Mea long dispela mun.

KEROSENE GENERATORS

AA2000-K Generator AA3000-K Generator

Mini-hydroelectric Generators

Produce affordable electricity from 0.2kW to 16kW. Low-cost and reliable renewable energy for rural villages is "finally here"

Standby Power from 10kva up to 2000kva

PORT MORESBY	LAE	KOKOPO	LIHIR ISLAND	VANIMO
Phone: 325 5766 Fax: 325 0805	Phone: 472 2444 Fax: 472 3342	Corner of Tokua and Gelagela Road Phone: 982 9799/982 9792 Fax: 982 8979	Phone/Fax: 986 4194	Phone: 857 1437 Fax: 857 1437

NIUGINI LIMITED

EXPECT GREAT THINGS

K6 milien namba tu hap bilong skul sabsidi

...tasol ol skul i mas givim ful ripot pastaim

• Sampela ol komyuniti skul pikinini insait long NCD i brukim het long tingting long wanpela hat-pela askim.

FAIL POTO



Veronica Hatutasi i raitim

OL skul insait long kantri bai kisim namba tu hap bilong ol skul sabsidi peimen neks wik, bihain long Edukesen Dipatmen i redim ol sek.

Tasol ol skul we i redim na salim ful akaun ripot long rot we ol i yusim namba wan skul sabsidi mani long em bai kisim dispela namba tu hap bilong skul fi sabsidi.

Taim Edukesen Minista Michael Laimo i tokaut long dispela samting, em i askim strong tu ol provinsel gavman long peim i go long ol skul hap bilong skul sabsidi mani bilong ol.

Edukesen Dipatmen i bin kisim K6 milien we em i tilim nau i go long ol skul olsem namba tu hap bilong skul sabsidi peimen. Taim fainens Dipatmen i givim aut balens o narapela hap sabsidi mani, em bai salim i go gen long ol skul.

Minista Laimo i tok Edukesen Dipatmen i bin pinis prinim ol sek bilong ol skul long las wik. Ol i dipositim o putim pinis mani i go long ol beng akaun long ol hai, vokesenel na sekonderi skul we i givim ful akaun ripot i go long

Edukesen Dipatmen.

Em i tok ol edukesen opisa i raun nau i go long ol provins long givim ol sek i go long ol provinsel edukesen opis bilong tilim i go long skul na long neks wik, olgeta provins bai kisim ol sabsidi mani sek bilong ol.

Nesenel Gavman i bin katim K40 milien olsem hap manimak bilong em long yusim olsem skul sabsidi mani bilong dispela yia. Long namba wan hap bilong yia, gavman i bin givim K15 milien i go long Edukesen Dipatmen long yusim olsem skul sabsidi helpim. Bikpela wok we ol skul i bin yusim dispela mani long em long karimaut ol menienes wok long ol skul bilding na ol arapela wok moa long dispela eria.

Mista Laimo i tok bikpela tingting bilong gavman long givim dispela skul sabsidi mani em long helpim ol papamama long daunim hevi ol i bungim long baim skul fi bilong ol pikinini bilong ol.

Nesenel Gavman i bin givim namba wan hap bilong skul sabsidi peimem long mun Mas na Epril olsem Infrastraksa mentenens Gren (IMG). Na dispela

namba tu hap em ol i givim long ol skul i yusim long operesen kos olsem ol wan wan skul bot i bin tok orait long en.

Mista Laimo i tok antap long K40 milien skul sabsidi mani, Nesenel gavman i bin katim narapela K20 milien i go long ol provinsel gavman olsem hap skul fi sabsidi mani bilong ol long givim i go long ol wan wan skul long provins bilong ol.

Mista Laimo i tok i kam inap nau, liklik lain provinsel gavman tasol i wokim sabsidi peimen i go long ol skul. Em long Sentrel, NCD na Enga taim ol arapela i no yet.

Mista Laimo i no amamas long dispela na em i askim strong ol provins long wokim ol sabsidi peimen i go long ol skul kwiktaim.

Em i tok ol skul atortii i mas lukluk long Polisi Stetmen bilong Minista 4/2003 na sekula bilong Seketeri em Sekula Namba 64/2003 long kisim moa save long rot bilong lukautim, yusim na tilim bilong dispela skul sabsidi peimen. Ol i givimaut ol dispela tok kliia taim ol i tilim ol skul, fi sabsidi mani.

Tripela PNG soldia i bikhet long Solomons

...Fos i salim ol i kam bek

OL i salim bek i kam tripela soldia bilong PNG husat i bin wok wantaim Intavensen Fos long Solomon Ailan bikos ol i wokim pasin i no stret.

Ol i no tokaut long nem bilong tripela soldia ya tripela ya i kam pinis long PNG.

I gat 84 soldia i wok wantaim Intavensen Fos we Australia i go pas long em long Solomon Ailan.

Intavensen fos i gat 2,500 soldia man meri i kam long Australia, Nu Silan, PNG, Fiji, Tonga, Vanuatu na Samoa. Klostu tupela mun nau fos i kairimaut "Operesen Helpim Pren" bilong helpim daunim lo na oda hevi na tu stretim gavman na wok mani long Solomon Ailan.

Ol ripot i tok long tripela soldia ol i salim ol bek, wanpela em kepten, wanpela em leftenen na narapela em waran opisa.

Komanda bilong PNG fos long Solomon Ailan em Kenel Vagi Oala i tok tripela soldia ya i bin brukim lo long bihainim gutpela pasin we PNG Difens Fos Komanda Brigidia Jenerel Peter Ilau i bin putim long ol na tu,oda o lo i karamapim Kumul Fos.

Leftenen Kenel Oala i tok asua ya ol i wokim long brukim lo em i samting bilong PNG fos tasol na ol i no brukim wanpela lo bilong RAMSI o Intavensen Fos na olsem, em i no kamapim wanpela hevi long operesen.

Em i tok tripela opisa ya i bin brukim lo na go aut long kem we ol PNG soldia i stap long em long Ogas 29.

Ol bin rausim ol gan bilong ol, toktok long ol na stap long hetkota bilong fos long Honiara na long Ogas 30, ol i sasim ol na painim olsem ol i wokim rong long Ogas 31. Long Septemba 1, ol bin salim ol i kam bek long PNG.

Namba tu bos long PNG koman em Meja Siale Diro i tok planti samting ol soldia i ken wokim rait tasol wanpela rong tasol na em i aut. Olgeta soldia i kam aninit long dispela lo.

Strongpela toktok i go long ol PNG soldia long Honiara olsem i moabeta ol i bihainim gutpela pasin bikos taim ol i wokim asua, bai yu wokim asua long PNG Difens Fos na PNG na ol bai kwiktaim salim ol i kam bek long ples.

Bogenvil PEA no wanbel long Arawa

...stretim ol lida pastaim

DISISEN long kisim Provisnel Etministresen bilong Bogenvil i go long Arawa i no gutpela tumas long dispela taim, ol yunien long Bogenvil i bin tokaut long dispela wik.

Ol samting i mas stret pastaim na sekan na belgut pasin i mas kamap pastaim namel long ol bikman olsem Joseph Kabui na Francis Ona na ol arapela eks paitman bipo ol i ken surukim etministresen i go long Arawa.

Presiden long han bilong Pablik Employiis

Asosiesen Joseph Noro i tok em i no gutpela tingting nau bikos planti bikpela samting i no stret yet.

Taim em i toktok makim 2,700 PEA memba long Bogenvil, Mista Noro i bin tok PEA i laikim bai belgut na sekan i mas kamap namel long ol bikman na ol eks paitman na tu wantaim sampela pablik sevan.

Em i tok i gat sampela moa samting ol mas stretim pastaim bikos ol i ken kamapim hevi long wok bilong ol pablik sevan bipo ol i suruk i go long Arawa.

Em i tok Interim Bogenvil Provisnel Eksekyutiv Kaunsil (IBPEC) i no bin lukluk gut long ol samting bipo em i wokim disisen long surukim etministresen i go long Arawa.

Em i tok sapos ol i no stretim dispela ol samting pastaim, ol bai etvaisim ol PEA memba long Bogenvil long noken wok bung gut long dispela mov i go long Arawa.

Em i tok i moabeta long interim gavman i lukluk na stretim ol dispela wari bilong ol PEA bipo ol i go het long mov i go long Arawa.

Biabia BIABIA GOLUKIM MUD WRESTLING LONG LAMANA GOLD KLAB MOTEL "OL MERI I PAIT"

NAU OL I ASKIM OL MANSAPU OL I LAIK SALENSIA KWIN BILONG MUD WRESTLING...

HUSAHTIAIK SALENSIA KWIN BILONG WRESTLING NA BAI YU WINIM FAIV JUKS!!

BIABIA IPUTIM HAN IGO ANUP.

EM I TING EM BAI SALENSIA WANPELA BUNNATING MERI!!!

TASOL NOGAT, TAIM KWIN I OPIM DUA NA KAMAUT, OLGETA MAN SURUK!!!

BIARY PIS OF KEIK! WAN RAUN TASOL! FAIV-PELA JUG I DAN PINIS!

BIABIA SAVE EM BAI DAI, OLSEM NA EM GIAMAN LONG FEINT... (AIRAUN)

Yu ting ol i tok wanem?

Sir Henry ToRobert (Iephan) na Sir John Dawanincura (raithan) i tok wanem long narapela man? Yu yet yu putim.

Salim i kam long YU TING WANEM RESIS WANTOK NIUSPEPA P.O. BOX 1982, BOROKO NCD PNG. Sapos mipela i ting em gutpela bai mipela i putim insait long WANTOK niuspepa.

Mama bilong Sepik i dai

PLANTI manmeri i bin kamap long funereel sevis bilong tok gutbai long bikpela we ol bin save long en olsem "mama bilong olgeta Sepik".

Laura Pritchard Martin i bin dai long Boram Haus sik long Wewak, Is Sepik long las wik Mande Septemba 1,2003. Em bin gat 81 krismas taim em i dai.

Em i dai na lusim tupela pikinini Leslie na Paul na sikspela bubu na wanpela liklik bubu. Misis Martin i bilong Victoria long Australia tasol em bin kam long PNG long 1949 olsem yangpela meri long malolo na lukim ples. Tasol em bin laikim stret PNG na em i stap bek inap nau we em i winim klostu 60 krismas long hia. Long 1950, em bin maritim man bilong em Frank John Martin husat tu i dai pinis sampela yia i go pinis.

Misis Martin i bin wok olsem wanpela tisa long Lae Praimeri A skul bipo em i muv i go long Wewak long 1952 we em bin mekim ol volunteri wok long Wewak Pablik Laibreri. Bihain long dispela, em na man bilong em i kirapim wanpela liklik bisnis na stap wantaim famili bilong ol.



Bris bai kamapim gutpela sindaun • Praim Minista Sir Michael Somare i opim tupela nupela bris long Erap long Nawaeb ilektoret long Morobe provins long tupela wik i go pinis. Sir Michael i tokim ol pipel olsem nau ol i gat we long go long Lae na Hailans haiwe long salim ol gaden kaikain bilong ol.

"Yupela yet bai mekim sindaun bilong yupela i gutpela moa, i no ol narapela man. Dispela bris bai kamapim ol senis long laip bilong yupela, na bihain taim, bilong kantri tu. Foto: OPIS

Yangoru Sausia memba i aut

MEMBA bilong Yangoru-Sausia Bernard Hagoria i aut long sia bilong em. Dispela i bihainim Lidasip Traibunel kot long Ogas 27 we i bin harim sas bilong bikman ya na painim em gilti o em i rong long ol sas we i sut long em. Em long yusim nogut bikpela mak long mani bilong ol pipel long ilektoret bilong em.

Lidasip Traibunel kot i bin wokim disisen bihainim Mama Lo na Ogenik Lo long wok bilong ol lida. Bihainim dispela lo, ol i mas raisim kwiktaim lida i brukim lo kwiktaim tasol sapos i gat ol evidens i soim olsem Mista Hagoria i no wokim olsem na pablik polisi o lo i no tok, em i no inap long rausim.

Loya bilong bikman ya em Davis Steven i bin paitim tok-tok olsem Mista Hagoria em i viktim bilong sistem husat i bin bihainim gutpela pasin na i no bin wokim samting long yusim mani long em yet.

Tasol Traibunel i bin tok kot i bin harim olsem rong Mista Hagoria i wokim em i bikpela na i no gutpela na olsem em i mas raus long wok bilong em.

Fainol disisen bilong Traibunel i tok bihainim pablik polisi na long gutpela bilong pablik, rong em i wokim i bikpela na i no gutpela na olsem ol bin askim Gavana Jenerel long rausim em.

Sarang i no bagarap tumas

William Natera i raitim

SARANG ples long Madang provins i no bagarap tumas bihain long wanpela strongpela win i paitim em long tupela wik i go pinis olsem sampela ripot i tok, Maureen Hill bilong Red Cross Madang, ogenaisesen we i wok long helpim long lukautim ol dispela ples lain i tok.

Misis Hill i tokim *Wantok* las Mande olsem sampela ripot we i wok long raun na we i stap insait long nius tu i tok olsem Sarang i bagarap tru, ol haus na skul tu i bagarap na ol pikinini i no go skul, nogat wara na taidel waiv i bin bagarapim dispela ples.

Em i tok ol dispela toktok i no tru. Em tok olsem tru wanpela strongpela win i bin paitim dispela ples, tasol dispela win em i no ol dispela

kain win ol i save kolim saiklon we i save bagarapim ol hap stret, nogat. Na dispela win i stap sotpela taim tasol.

Tru olsem win i bin bagarapim sampela haus we ol i mekim long ol samting bilong bus, tasol skul i no bin bagarap na ol pikinini i wok long skul yet na ol pipel i gat wara na kaikai, Misis Hill i tok.

Em i tok bikpela hevi bilong ol em long sanapim haus ken na Red Cross i givim sampela kanves na ol narapela samting pinis i go long ol long mekim giaman haus long stap long em inap ol i sanapim haus tru bilong ol yet.

Misis Hill i tok insait long dispela hevi wanpela liklik meri tasol em i kisim liklik bagarap.

Ol narapela ples lain i guria liklik long wanem samting i bin kamap long ol tasol ol i orait na i wok long

wok long kamapim gutpela sindaun bilong ol yet ken.

Rijenel Memba bilong Madang, Sir Peter Barter husat i bin go long Sarang wantaim Misis Hill i bin tok long dispela taim olsem em bai givim K5000 i go long ol pipel long

helpim ol.

Em i givim K3000 pinis i go long ol long baim ol nil na ol narapela samting long mekim haus na narapela K2000 em i holim yet inap ol pipel i makim wanem samting stret ol i bai yusim dispela mani long en.

Bikpela rais projek bai kamap long Morobe na Sepik

MOROBE na Sepik inap kamap olsem top ples bilong kamapim rais insait long PNG.

Dispela i bihainim wanpela stadi ol save-man bilong Taiwan i bin karimaut.

Makam Veli long Morobe provins na Sepik Plein long Is Sepik em ol i lukim ol olsem eria we rais bai kamap gut long helpim PNG wantaim rais. Long nau PNG i save tromaom bikpela manmak long baim rais i kam long Australia.

Tupela eria ya i gat gutpela wara na graun i

gutpela tu long groim rais long en.

Ol stadi we Misin lida bilong Taiwan stadi grup i karimaut long Sepik Wara i soim olsem wara i save gutpela graun na tromaom long Sepik Plein em i gutpela tru long groim rais long en. Dispela ol saveman long agrikalsa bilong Taiwan i karimaut ol wok painim stat yet long yia 1999 sapos PNG i ken groim rais bilong em yet. Ol dispela lain saveman i wok wantaim NARI, Morobe Provinsel gavman na Dipatmen bilong

Agrikalsa na Laipstok.

Ol bai planim rais long wanpela hekta plot long Bubia na bihain tilim i go long ol fama long Sentrel, Morobe, Madang, Is Sepik, Is na Wes Nu Briten na Simbu provins.

Ol bai lukluk long wanem ol fam i karim gut na makim ol olsem ol dispela fam we i kisim laisens long tilim ol rais sit long ol narapela hap long planim.

Aninit long dispela projek, ol i ting ol inpa long kamapim 10,000 ton rais insait long wanpela yia.



Menesmen bilong
ORICA PAPUA NEW GUINEA LTD

i laik tok bikpela tenkyu na amamas igo long

- The Manufacturers Council of PNG
- EMTV (sponsor of the award)
- Olgeta 140 wokmanmeri bilong em
- Olgeta kastoma bilong em
- Olgeta saplaias bilong em

Long helpim kampani i winim prestigious
MANUFACTURERS COUNCIL OF PNG's

2003 'MANUFACTURER OF THE YEAR' Award
(Large Industry Category)

Dulux
Worth doing, worth Dulux.



Kastom bilong graun i stapim divelopmen

KASTOM bilong graun i wok long stapim ol divelopmen plen na promotim ol iligel setelmen long Pot Mosbi.


Ol setelmen i wok long mekim go bikipela tu ol politikel, ikononimikel na sosel hevi insait long siti.

Ol dispela toktok i kam long Pot Mosbi siti menesa, Bernard Kipit, las Sarere long wanpela 2 de bung we i lukluk long divelopmen bilong kastomeri graun long ol ples i stap long siti na klostu long siti na ikononimik sait bilong em.

Mista Kipit i tok olsem ol Motu Koitabu papagraun i no wok long bihainim ol Ekt o lo bilong Lens dipatmen, Nesenel Kepitel Distrik Komisen (NCDC) na Bilding Bod long bringim divelopmen i kam long siti.

"Ol i wok long givim graun bilong ol i go long ol man long kamapim ol iligel setelmen na ol i wok long kisim liklik pe bilong dispela long olgeta wik o mun," Mista Kipit i tok.

Em i tok olsem long ol klostu long 100 setelmen long siti 60-pela em ol iligel setel-



• Wanigela, wanpela setelmen long Koki long Pot Mosbi. FAIL POTO

men.

"Ol i stap long olgeta hap bilong siti na ol i wok long givim planti hevi long NCD administresen na ol narapela gavman na praivet ogenaisesen.

"Yu ken lukim ol dispela setelmen tu long ol Hiritano na Magi haiwe," Mista Kipit i tok.

Em i tok olsem long ol 250,000 pipel

husat i stap long siti, klostu long 100,000 bilong ol i save stap long setelmen.

Em i tok dispela i wok long putim bikipela askim long ol rot, wara sistem, pawa, toilet, skul, helt, komunikesen, trenspot, lo na oda, sios na komyuniti ektiviti.

"Sapos dispela pasin i no stop bai bikipela bagarap bungim NCD long yia

2015.

Long dispela taim em mipela i bilip Pot Mosbi i bai gat 675,000 pipel i stap long en," Mista Kipit i tok.

Em i tok em min olsem NCD bai i nidim moa graun long sindaunim ol pipel tasol planti bilong ol dispeia ol graun em bilong ol papagraun.

Danaya helpim pait egensim AIDS

WESTEN provins gavana, Dokta Bob Danaya, i tok em bai traिम long kisim sapot bilong ol memba bilong Palamen long kamapim wanpela komiti long Palamen long lukluk long hevi bilong sik AIDS long sait bilong politiks.

Long toktok bilong em long pasim 39th Nesenel Medikel Simposium long Mt Hagen las Trinde, Dokta Danaya husat i wanpela medikel

dokta, i tok em i bilip olsem Palamen i no save kisim ol gutpela toksave long dispela sik na hau em i wok long bagarapim ol wanwan man long kantri.

Em i tok em bai toktok long minista bilong Helt na praim minista long dispela tingting long kamapim dispela komiti long Palamen we i bai helpim long lukluk long dispela sik.



Yut helpim pipel • Ol yut long wanwan wod long Mosbi Not Is iiektoret i kamapim wanpela sevis grup we ol i stretim ron bilong bas long Godens maket na tu klinim ol pipia na rausim ol man i save salim buai, sop na ol mit long fran bilong geit bilong maket. Foto: BARBARA TOMI

UNDP helpim Laloki Hai Skul

OL sumatin i mas tingim envaironmen o graun, solwara na skai na ol bus, plawa na ol animol i stap long ol dispela hap, taim ol i lukiuk long divelopmen.

Dispela toktok i bin kam long Nesenel Kodineta bilong Globel Envaironmen Fesilitis Smol Grents Program (GEFSGP) bilong Yunitid Nesenel Divelopmen Program (UNDP), Merawe Degembe, taim em i toktok long ol sumatin long Laloki Hai Skul long wanpela bung long makim wanpela

kompyuta we UNDP i givim i go long skul.

Mista Degembe i tok sapos envaironmen i bagarap, laip bilong ol pipel tu bai i bagarap. Em tok ol pipel i mas lainim long stap gut wantaim envaironmen.

UNDP i save kamapim planti gutpela wok aninit long GEFSGP long sait bilong lukautim envaironmen. Nau yet ol i wok long helpim Laloki Hai Skul long projek bilong ol sumatin bilong ol long lukautim na kamapim gut envaironmen.

Helpim bilong ol long sait bilong mani bilong dispela projek em inap long K47,000. K17,000 bilong dispela mani i go long mekim strong skul long kamapim ol samting olsem kempein bilong ol sumatin egensim bagarap i wok long kamap long envaironmen.

Ol sumatin nau i ken yusim nupela kompyuta bilong ol long helpim ol long kamapim ol skul megesin, ol ID kad na ol toksave pepa long envaironmen projek bilong ol.

In September, Everyone is a Winner at Ela Motors

Hundreds of Prizes to give away!

Ela Motors



WHEELS FOR THE NATION
www.elamotors.com.pg

Now or then and you get to enter our Instant Prize draw.

So, forget about the rest, buy from the best and be a Winner with Ela Motors today.

15 BRANCHES NATIONWIDE

PORT MORESBY PH 3229400 FAX 4722222 MOHUPU 9629100 HANARU 9529106
GOHORA 7321844 HIR HAGEN 5421903 WUYALE 9502256 KAPYONG 9542728
KOROR 9635195 TARDIUM 5499060 WAKHOB 0671254 POKORANG 5479367
WAKA 9739915 LUNDA 0994099 MATMAN 0410100

OFFER EXPIRES : 30/09/2003.

Hurry! This Month Only!

INSTANT PRIZES INCLUDES:

- 14" Colour TV Sets - 2 only
- Yamaha 17150 Scooter - 1 only
- NRL Jerseys - Blue & Maroon
- Toyota 40th Anniversary Polo Shirts
- K200 Food Vouchers
- Toyota Embroided Caps

*CONDITIONS APPLY!
Offer applies to Vehicles ordered & delivered from 08/08/03 to 30/09/03. Excludes Govt & Tendered sales.

Manus sainim agrimen long developim pis indastri

MANUS provins i sainim pinis wanpela agrimen wantaim Papua Niugini Ovasis Ikonmik Developmen Bod (PNGOEDB) long developim pis indastri bilong provins.

Gavana bilong Manus, Dokta Jacob Jumogot i tok olsem dispela agrimen bai strongim wok bilong hukum pis bilong salim long ol bikpela sip long Manus.

Em i tok olsem ol lida long Waigani i no save luksave long Manus provins bikos em i wanpela liklik provins na ol i no givim inap mani long ol insait long baset bilong ol long mekim wok.

Em i tok olsem dispela em i sans bilong ol pipel long Manus provins

long wok bung wantaim ol bisnis we PNGOEDB bai statim.

Dokta Jumogot i tok olsem PNGOEDB bai karim ol masin ol saveman na ol arapela samting i kam insait long kantri long go long helpim ol pipel bilong Manus long developim pis indastri bilong ol.

Mausman bilong PNGOEDB, TJ Wang, i tok olsem Manus em wanpela gutpela taun we i gat planti naispela samting bilong pulim ai bilong ol turis, na i no pis indastri tasol.

Em i tok olsem ol i mas lukluk gut long developim ol narapela samting bilong pulim mani i go insait long provins.

Kimbe lusim gutpela PPC

Veronica Hatutasi i raitim

OL Kimbe plis insait long Wes Nu Briten bai painim bosman i gat gutpela lidasip husat i save stiaim ol gut.

Dispela em bihain long dai bilong Provinsel Plis Komisina Sief Inspekta Tom Uapipi bihain long em i bin sik.

"Bai mipela i painim gutpela plis bos i save stiaim mipela gut. Em i gat gutpela lidasip kwaliti," Ekting PPC long Kimbe em Inspekta Joe Goloki i tok.

Leit Inspekta Uapipi

em i bilong Galp provins tasol em i marit long meri Kavieng na i gat foapela pikinini. Tupela long ol pikinini ya i wok wantaim plis fos. Wanpela long ol i wok wantaim ol plis long hailans rijen na narapela i wok long Kimbe yet.

Ripot *Wantok* i kisim long Kimbe plis i tokaut olsem ol bai kisim bodi i go long Nu Ailan na planim long ples bilong meri na ol pikinini bilong em.

Leit Inspekta Uapipi i bin wok longpela taim long plis fos. Em bin

wok antap long Hailans, Nu Ailan, Bogenvil na Wes Nu Briten we em i dai long en.

Em i bin wok olsem plis stesen komanda long Kimbe plis stesen bipo em i kamap olsem PPC bilong Wes Nu Briten.

"Bai mipela i painim em olsem wanpela gutpela papa piksa na lida. Long makim ol plis manmeri long Kimbe, mi salim tok sori i go long famili na hauslain bilong leit Inspekta na bos bilong mipela," Inspekta Goloki i tok.

Ling-Stuckey i tok Chan i mas stretim Namatanai taun

GAVANA bilong Nu Ailan provins, lan Ling-Stuckey i singaut long memba bilong Namatanai, Byron Chan long lukluk long kamapim gutpela developmen bilong Namatanai taun na lus tingting long bagarapim wok bilong Nu Ailan provinsel gavman.

Mista Ling-Stuckey i mekim dispela singaut taim em i toktok long wanpela Komyuniti Developmen bung long Nonovaul


Viles long Nu Ailan long las wik.

Em i tok olsem Mista Chan i wok long go pas long wanpela pablik kempen egensim ol program bilong provinsel gavman na i no mekim wanpela samting long givim moa developmen long provins.

Em i tok olsem Mista Chan i mas kamapim wanpela kibung wantaim Join Distrik plening na baset prairitis komiti bilong Namatanai na askim Distrik

Etmnistreta, Eremas Bulumaris long painim aut wanem kain hevi i stap long Namatanai taun na putim olgeta long wanpela pas i go long Nu Ailan provinsel gavman long lukluk long em na givim tok orait bai wok inap long stat long stretim ol dispela hevi.

Mista Ling-Stuckey i tok olsem sapos memba bilong Namatanai i mekim olsem, em bai inap long stretim olgeta hevi bilong Namatanai taun.



Helpim bilong kisim wara - Ol sumatin bilong Nonovaul Komyuniti Skul i kisim wanpela nupela teng wara i kam long Memba bilong Kavieng, Martin Aini aninit long Distrik Sapot Gren bilong em. Sampela tisa bilong skul ya i sanap wantaim Gavana bilong Nu Ailan, lan Ling-Stuckey husat i bin go givim dispela teng long ol long makim Mista Aini. Foto: ALOIS ROBIN

START BUILDING YOUR FUTURE NOW WITH BSP

A Bank South Pacific housing loan @

9.9%
INTEREST P.A.*

will open the door to your future.




STOP PRESS! ASK ABOUT BSP'S RATES, LAND TAX & INSURANCE PACKAGE!

Buying your first home is one of the most exciting decisions you'll ever make. It's also one of the biggest, so it can be difficult to know where to start.

BSP will show you how to get into your own home sooner.

And a housing loan from only 9.9% p.a.* from BSP will open the door to home ownership.

*conditions apply for first home buyers



Ask us how to include and finance your rates, land tax and insurance in one easy monthly payment. Just imagine - no worries about any of these financial responsibilities - for the term of your loan.

So, ask us about your BSP housing loan now - your blueprint for the future.

Call 323 2288.

www.bsp.com.pg

Ol LLG bungim mani long statim redio program

OL LOKOL Level Gavman bilong Namatanai, Sentrel na Tanir long Nu Ailan provins i helpim ol yet na i bungim mani long statim wanpela distrik redio netwok bilong helpim ol manmeri i kisim taim long ol kain kain hevi.

Wan wan long ol dispela 3-pela LLG i givim inap long K5000 bai dispela imejensi redio program inap long go het. Dispela K15,000 em long stretim etministresen bilong dispela redio program bai i ken toksave long ol helpim i go long ol lain trangu husat i stap long taim nogut.

Mani i kam long ol LLG bai go bung wantaim K280,000 gavman bilong Japan i givim.

Presiden bilong Namatanai LLG Alfred Elisha i tok olsem ol LLG i go het wantaim dispela wok bikos

provinsel gavman i no bekim askim bilong ol long mani bilong kamapim dispela redio program.

"Mipela ol lida bilong pipel bilong mipela na mipela mas lus tingting long politiks na wok wantaim long stretim hevi bilong ol pipel bilong mipela," Mista Elisha i tok.

Em i tok olsem ol LLG presiden i lukim olsem bai ol i no inap long kisim wanpela bekim i kam long provinsel gavman olsem na ol i go het wantaim fanresing bilong ol.

Mista Elisha i tok olsem ol samting olsem helpim i go long ol lain trangu long taim nogut inap long stap klia sapos dispela redio program i wok stret.

Memba bilong Namatanai, Byron Chan i luksave long hatwok bilong ol dispela presiden na i autim tok amamas long samting ol i mekim.

Nu Ailan provinsel strongim wok agrikalsa

NU AILAN provinsel gavman bai lukluk long strongim wok agrikalsa long neks yia taim ol putim mani insait long baset bilong 2004 we bai i go stret long Agrikalsa Sekta.

Gavana bilong Nu Ailan lan Ling-Stuckey i bin tokaut olsem dispela taim em i laik pinisim raun bilong em long ol ailan bilong Mussau.

Em i bin laik pinisim raun bilong em long Tench ailan taim em i mekim dispela toktok.

Mista Ling-Stuckey i bin go raun long ol ailan bilong Mussau taim em i go mekim ol Komyuniti

Developmen kibung bilong em wantaim ol pipel.

Em i tokaut olsem planti-manmeri long ol arapela ples long provins olsem Sentrel Nu Ailan, Tanir, Tikana, Murat na Lavongai i toktok strong long nupela provinsel gavman i mas lukluk long kirapim moa wok long helpim ol liklik fama bai i mas wok bung wantaim long wok wel pam, kakao, vanilla na kopra.

Mista Ling-Stuckey i tok olsem wok bilong groim vanilla i strong pinis namel long planti fama long kantri na i go

kamap pinis long ol liklik longwe ples long Nu Ailan tu.

Em i tok olsem provinsel gavman i luksave long dispela na i wok long wok hat long kamapim ol ekstensen program long skulim ol fama long we bilong planim, kamautim na long salim vanilla.

Em i tokim ol manmeri long Tench olsem long namba wan yia bilong gavman bilong em i kisim opis na ol i givim pinis K2 milien i go long agrikalsa.

Em i tok tu olsem dispela mani bai i go antap moa yet long neks yia.

Ol meri na famili wantaim lo

Namba 12 hap

Mining bilong ol sampela wod i stap long ol ripot
Hia em ol mining o tok klia long ol sampela wod i bin kamap long ol toktok bilong yumi insait long 11-pela Ol meri na famili wantaim lo ripot we mipela i mas klia gut long ol.

- Long Interpretation (Amendment of Section 1):
 Complainant i min olsem dispela man o meri we ol i wokim rong long en.
- Long Repeal and Replacement of Section 6:
 Sexual Penetration. Taim ol i yusim dispela wod long karamapim rong o birua em i karamapim ol dispela samting:
 - a) man i wokim samting tru tru long meri, wokim long as o putim long maus bilong em.
 - b) Putim samting i go insait long bodi (olsem long maus, pispis hap o long as) bilong narapela. Sapos dokta i wokim dispela long sekim man i sik o wokim medikel sekap em i orait.
- New Section 6 -Ol i wokim senis long dispela na ol i putim ol nupela hap long en. Olsem na dispela nupela hap lo em- 6A Relationship of Trust, Authority or Dependency. Taim hevi i kamap we man o meri i gat posisen we narapela i luksave long en olsem em i bikipela na i gat atoriti long em.
- Ol lain we i holim dispela posisen i gat luksave long ol na ol i sutim tok long wokim trabel em long:
 - a) Papamama, was papamama, papamama i nogat pikinini na ol i kisim pikinini long lukautim olsem bilong ol
 - b) Man o meri we i kisim toksut long wokim rong em i lukautim o em i bos
 - c) Man o meri i wokim rong na i kisim toksut em i bubu, kandere man o meri, susa o brata o fes kasen
 - d) skul tisa na lain i putim komplem em sumatin bilong em
 - e) Rilijes tisa, pater o kain olsem
 - f) Kaunsila o yut woka
 - g) Nes, dokta o helt woka na siklain i stap aninit long lukaut bilong em
 - H) Plis, woda na man i wokim rong long en i stap long lukaut bilong em.

Ol meri Wosera i karim kangal

Pater Janusz Skotniczny SVD i raitim

LONG 15 na 16 de bilong mun Ogas, planti manmeri bilong Kaugia peris na ol ples i stap long Not Wosera Distrik insait long Is Sepik provins i kam bung long peris graun bilong Kaugia long amamasim De Bilong Ol Meri.

Long sampela wik i go pinis, Kaugia peris i bin gat wanpela ritrit progrem ol i kolim Dignity Nem Na Namba o Ritrit.

Long dispela taim planti man i bin luksave olsem ol meri i gat bikipela nem na namba.

Ol i stat long luksave long wok bilong 8-pela Katolik Mama Grup bilong peris.

Olsem na ol i laik soim dispela samting long dispela de bilong ol meri. Olgeta i wanbel long soim bikipela nem na namba bilong meri long laip bilong femili na komuniti.

Long makim dispela de bilong ol meri, ol dispela mama grup i holim tupela de ritrit we het tok bilong ol em 'Meri I Gat Nem Na Namba Na Wok'.

Dispela tupela de i bin pulap long ol kain kain aktiviti.

Ol meri i redim ol drama bilong soim ol gutpela kastom bilong bipo.

Long ol toktok o spis ol i mekim, ol i autim ol hevi bilong ol.

Taim ol i beten na mekim misa na long ol toktok bilong ol, ol i laik helpim ol meri husat i mas karim hevi bilong domestik vailens o hevi bilong man i paitim meri long haus.

Namba wan samting i bin pulim planti pipel i go lukim em singsing na kastom so.

Ol i kisim bikipela sapat i kam long ol lida na ol i mekim samting narakain tru.

Na i luk olsem planti ol visita o ol laik manmeri i kam lukim dispela so i kirap nogut long lukim ol meri i mekim singsing bilong ol man.

Ol manmeri i kirap nogut tru long lukim ol meri i putim bilas bilong ol man, we em i tambu tru long ol meri i putim.

Na moa yet, olgeta i kirap nogut taim bikipela lain bilong ples, wantaim bikipela singsing na amamas, ol i bringim i kam ol yangpela meri husat i bin 'Karim Kangal'.

Dispela em i kastom we ol yangpela man tasol, husat i winim kastom o wok inisiesen i ken mekim.

Dispela bikipela amamas i bin kamap long hatwok bilong ol Katolik Mama Grup na long bikipela sapat bilong ol lida bilong peris na ol lida long ol wan wan ples.

Presiden bilong ol Katolik Mama bilong Kaugia peris, Hermina Augustin, peris pris Pater Richard Sengo i tokim ol meri olsem ol i mas winim kain kain hevi.

Pait tu i laik kamap namel long tupela bikipela komuniti na i laik stopim dispela de bilong ol meri, tasol ol lida wantaim peris pris i wari long hatwok bilong ol mama na ol i stopim dispela pait hariap. Sori tru, tasol ol lida bilong gavman, na ol lain i go pas long ol Meri insait long East Sepik Province na insait long Daiosis, na sampela moa manmeri we ol i kisim pas i askim ol long kam long dispela de i nogat taim long kam na luksave long dispela de.

Olsem na ol i no inap harim wari bilong ol meri na ol singaut bilong ol meri Wosera long ol gavman lida i mas lukluk na sapatim ol mama long aktiviti bilong ol.



• Long dispela de ol manmeri i kirap nogut long ol meri i putim ol singsing bilas bilong ol man na mekim wok kastom. Dispela em i tambu tru long ol meri i mekim, tasol ol dispela meri Wosera i mekim long soim olsem ol meri i gat nem na namba tu. Foto: JANUSZ SKOTNICSNY SVD

WE LONG LUKAUTIM IAU NA STAPIM SIK IAU PAS

SAVE I KEN ABRUSIM BIRUA!

Iau em i hap bilong bodi we yumi i mas lukautim gut bilong wanem sapos em i bagarap bai yumi i no inap harim ol toktok o ol singsing. Ol mama i mas lukautim iau bilong ol pikinini na soim ol long gutpela rot long lukautim iau bilong ol yet.

WE LONG LUKAUTIM IAU BAI I STAP HELTI

Gutpela we long iau i ken stap helti em long
 • Kaikai ol gutpela na helti kaikai. Ol kaikai i mas i gat:

- Protin o abus olsem mit, kakaruk, pis, kiau na sie.
- Ol grin na yelo kumu na potato. Ol kaikai yu klistra, sapat long gedan o baim long maket em
- Ol sapat, papo, banana, painap, orenj na apol.

KAIKAI OL GUTPELA KAIKAI EM I BANIS LONG OL SIK OLSEM KUS NA SKIN HOT

■ Sapos iau i pas go lukim dokta long haus sik.

- Sapos yu gat kus, biolm kus oltaim long larim rot insait long nus (nasal passage) long stap op na klin.
- Noken stap klostu long samting i save mekim bikipela na planti nois olsem laip ben, palrap bilong musik na werim o harim musik long ol hed fon.
- Sapos iau bilong yu i gat sua, noken larim wara i go insait long iau bilong yu.

OL PIKININI I SAVE KISIM TAIM LONG SIK BILONG IAU MOA LONG OL BIKPELA MANMERI

WANEM SAMTING I SAVE KAMAPIM SIK BILONG IAU?

Sampela rot we i save kamapim sik bilong iau:

- Sik olsem, kus, skin hot na strongpela kus,
 - Sapos man i gat kus na i no kisim gut marasin,
 - Paitim man o meri long iau bilong em i ken bagarapm insait bilong iau,
 - Sampela marasin i ken bagarapm insait bilong iau,
 - Sapos yu no save lukautim gut bodi na haus bilong yu,
 - Sapos iau wantaim ol stik o putim ol kainkain samting olsem wesan o ston i go insait long iau.
- Namba wan bai yumi toktok moa long ol hevi na we long lukautim gut iau.*



Yu mas i gat:

- 500g bif, kakaruk o lem (sapos yu bai kukim bif orait yu mas yusim bif stok)
- 1-pela graun anian
- 1-pela pinga galik
- 3-pela tispun kawawar (sigirapim)
- 1-pela tebol spun pis sos
- 1-pela spin anian (salot)
- 2-pela tispun wel
- 2-pela retpela kapsikam
- 1-pela paket nudols
- 2-pela tebol spun flaua



We long kukim:

- Katim mit anian, salot, galik na kapsikam.
- Hatim wel long wok (bikipela frai pen)
- Putim ol anian, kawawar na galik na fraim inap 2-pela minit pinis na putim ol salot, kapsikam, mit na kukim.
- Long narapela sospan kukim nudols (bihain we long kukim long paket).
- Dispela nudols nau yu bungim wantaim ol anian long wok na kapsaitim 1-pela kap stok i go insait.
- Taim stok i boil putim flaua na pis sos na sol na larim i kuk narapela 5 minit.

Sapos yu gat sampela we long kukim ol kaikai olsem saksak, banana, taro or kaukau na yu laik serim wantaim ol narapela meri plis salim i kam long mipela na bai mipela putim long niuspepa.

Mariwana kamap marasin

The Hague, Netherlands:

NETHERLANDS i kamap nambawan kantri long givim tok orait olsem stoa husat i save salim marasin long kantri i ken salim mariwana olsem wanpela marasin.

Ol stoa i wok long salim mariwana insait long ol kontena wantaim rait Kanabis, narapela nem bilong mariwana, antap long ol.

Dutch Ministri bilong Helt i mekim ol traim long ol dispela mariwana na ol i tok i ken helpim ol pipel husat i gat sik AIDS, multipel sirosis na kensa.

Ministri bilong Helt i wok long tokim ol sikman long noken simukim dispela lip tasol long yusim long stimim ol yet o long mekim mariwana ti na dring.




Traipela palai kilim ol dok na pusi

Beirut:

WANPELA traipela palai tru i wok long raun long ol rot bilong Beirut siti na kilim ol dok na pusi.

Beirut sivil difens dipatmen i putim ol wokman bilong em long olgeta hap bilong siti long traim long holim dispela palai we ol i bilip i wanpela bilong ol dispela palai ol i save kolim Komodo dragon.



Nogat wok long America

Amerika:

INAP long 3 milien pipel bilong Amerika i lusim wok bilong ol long taim Presiden bilong ol George Bush i kisim opis i kam inap nau.

Famili bomim ol manmeri

Bombay:

WANPELA yangpela meri husat i gat 17 krismas wantaim mamapapa bilong em na wanpela poro i kisim sas long bomim sampela kar we i kilim 52 pipel long Bombay las wik.

Katim namba bilong soldia

Saina:


GAVMAN bilong Saina i wok long traim long katim namba bilong ami bilong em long kamap long mak bilong 2.3 milien pipel long 2005. Long kamapim dispela gavman i mas rausim 200,000 pipel.

Man bilong kilim o eksekusina i ritaia

Bangkok:

Man husat i save pulim triga long kilim ol kalabus man o meri i ritaia long wanem gavman i senisim nupela lo long kilim man neks mun. Nau em long pamim marasin i go insait long bodi bilong man long kilim em. Chaovarej Jaruboon em nem bilong em i eksekutim 55 kalabus man long taim em emi kamap man bilong kilim dai ol kalabus long 1984 yet. Las man em kilim em long yia 2002. Nau em ritaia long wok na tu long stapim em long kilim wanpela wanwok bilong em husat i trefikim drag na wetim indai bilong em.

Lida bilong teroris grup Jemaah Islamiah i go kalabus



Indonesia:

MAN husat gavman bilong Australia na planti ol arapela lain i bilip olsem i hetman bilong dispela teroris grup Jemaah Islamiah husat i bin helpim long pairapim ol bom long Bali we i kilim planti ol pipel, sampela husat i bin bilong Australia.

Dispela man, Abu Bakar Bashir, i sanap long kot long Indonesia las wik na kot i givim disisen long em long kalabus long 4-pela yia. Tasol disisen i no kamap long sas bilong helpim long pairapim bom tasol long i no bihain lo long go insait long Indonesia na long traim long rausim Indonesia gavman.

Sapos disisen i bin kamap long dispela sas bilong pairapim bom, Bashir inap long kisim 15-pela yia long kalabus.

Long piksa Bashir i no luk olsem em i wari tumas long dispela 4-pela yia kalabus em bai kisim na em i wok long smail na tromoi han long ol sapota bilong em.

Bikpela ren i bagarapim Saina

Weinan, Saina:

BIKPELA ren we i kamapim ol tait wara na graun i bruk i kamapim planti hevi long ol westen provins bilong Saina, Shaanxi na Henan.

Moa long 430,000 pipel i lusim ol haus bilong ol na i go stap long ples we graun i antap liklik na tait wara i no inap bagarapim ol.

Long pinis bilong las wik inap long 60,000 haus i bagarap wantaim 118,000 hekta o hap graun bilong ol gaden bilong groaim kaikai.

Ol atoriti i tok 38 pipel i dai long dispela birua, tasol ol i tok i gat planti moa daiman husat ol i no painim yet.



Ol pikinini bilong Paulin Hanson go lukim mama long kalabus

Brisbane, Australia:

raithan, i go long lukim mama bilong ol long kalabus.

Ol pikinini bilong wanpela politisen bilong Australia, Pauline Hanson, long lephan Adam, long namel Lee na wanpela poro bilong ol long

Misis Hanson i stap long kalabus bihain long kot i tok em i no yusim gut mani na bin mekim ol korapt pasin long winim sit bilong em long taim bilong iieksen.



WANTOK KOMENTRI

Australia i gat hanmak long Pasifik, Esia na Midel Is

PAPUA Niugini gavman i lukluk long bung wantaim sampela bikman bilong Saina long taim bilong independens de long Papua Niugini.

Dispela bung i kamap long taim we PNG i gat tok hat i stap namel long em na Australia long dispela bikpela helpim Australia i save givim long PNG long olgeta yia.

Dispela helpim em ol i kolim AID o helpim we i kos olsem K600 milien long olgeta yia.

PRAIM Minista bilong Papua Niugini Sir Michael Somare i tokaut olsem Australia i ken stopim dispela helpim bilong ol bikos PNG i ken lukluk long narapela rot olsem long Esia we ol i ken helpim PNG.

Australia gavman i tok sapos PNG i laik stopim dispela K600 milien em i save givim long PNG olgeta yia, PNG bai painim hat tu long kisim helpim long ol kantri long Esia.

Dispela em bikpela toktok tru long PNG i mas skelim gut. Sapos Australia i gat longpela han long stopim arapela helpim PNG i laik kisim long arapela ovasis kantri em nau PNG i mas sanap isi na lukluk gut pastaim long ol toktok hat em i tromoi.

Olpela Praim Minista bipo Sir Julius Chan i tok Australia i soim han mak bilong em pinis long planti kantri long Pasifik maski em i no save givim kain bikpela helpim we PNG i save kisim long ol. Olsem na dispela i soim olsem Australia i gat sapot insait long ol Pasifik kantri. Australia i go helpim tu ol pipel bilong Is Timor long kisim independens na tu em i salim ol ami i go long helpim sindaun bilong ol pipel bilong Irak na Afghanistan. Olsem na em i gat sapot long ol Midel Is na Esia kantri tu. Em i gat bikpela tred agrimen wantaim planti kantri long Esia na dispela em wanpela hatpela samting PNG i mas glasim gut tu. Nogut ol dispela Esia kantri i baim kago bilong Australia na salim i kam long PNG maket.

Olsem na PNG i mas lukluk long ol arapela rot em i ken bhainim sapos em i laik stopim dispela helpim bilong Australia.

PNG i mas redim ol samting bilong mekim K600 milien olgeta yia long kisim ples bilong dispela helpim mani i save kam fri long PNG.

Kros i kamap bikos Australia i ting PNG i wok long paulim na ino yusim gut dispela helpim mani long mekim wok stret. Olsem na ol i laikim ol wokman bilong Australia yet i mas kam wok long PNG long lukim rot dispela mani i go long en. Tasol PNG i tok em i no laikim Australia long tokim em long wanem samting em i mas mekim wantaim dispela mani.

Em i tru ol lain long Saina na Esia kantri i save kaikai wankain kaikai olsem yumi. Ol i save kaikai ol gaden kaikai yumi planim na salim long maket. Olsem na ating yumi gat sampela samting i wankain namel long PNG na Esia long yumi ken strongim na lukim em i kamapim bikpela invesmen o bisnis bilong mekim mani long bhain taim.



Mista Tonny Atimeng igo bilasim haus palamen nating tru

Dia Edita
Dispela toksave hia nau igo long ol pipol bilong Telefomin/Oksapmin olsem memba bilong yupela Mista Tonny Atimeng ya em kam bilasim palamen haus nating. Em wok long paul wantaim ol meri long siti.

Taim bilong miting long haus palamen em ino stap long makim ol Telefomin. Ol pipol bilong Telefomin distrik, bilong wanem na yupela salim dispela kain man kam long haus palamen? Yes, em tru olsem

em ino bin stap long tripela bikpela miting ya. Ating em mas kam paul nambaut na em lus tingting long igo miting. Na tu yupela ol pipol bilong Telefomin distrik mas save olsem Mista Tonny Atimeng em ino bin kam miting long Vanimo na Sandaun provinsol Asembli long sampela ol bikpela miting olsem na Sandaun provinsol gavman i saspandim em long 5-pela yia. Sapos yupela ol pipol bilong Telefomin distrik ino save gut tru long memba bilong yupela

orait mi laik toksave long yupela long wanem kain man em dispela memba bilong yupela. Olsem na plis yupela ol pipol bilong Telefomin/Oksapmin harim gut. Yupela ino yusim het bilong yupela gut. Tingting bilong yupela i paul na yupela ol manmeri insait long Telefomin distrik ya olsem ol bebi. Mi ken tokim yupela ol skul manmeri olsem pablik sevens na tu long husat yu bin ingo long bikpela skul olsem long

Uni na ol arapela kolis. Bikos yupela save pilai long politik olsem bebi ya. Mi tokim yupela olsem 2007 yupela Telefomin/Oksapmin mas wanbel na makim wanpela gutpela rait man mas kisim spes bilong Tonny Atimeng. Yupela harim gut. 2007 Nesenel lleksen ya yupela mas makim rait man igo insait long haus palamen em taim em toktok long haus palamen.

Apipmon Missom Wes Sepik Provins

Kundiawa Generel Hausik Bod na Manesmen i no ronim gut Hausik

Dia Edita
Mi wanpela lapun man istap klostu long Kundiawa haus sik geit. Nem bilong mi Dilu Apa. Planti taim ol Bod bilong hausik wok long igo ikam na sampela taim ikam stap 3-pela krismas na kontrak bilong ol pinis.

Ol nupela ikam insait olsem tasol ol wok long mekim stap. Mi lukim ol Bod kolim miting planti taim klostu klostu tasol nogat kaikai bilong em.

Taim bilong miting igat alawens bilong wanwan bod memba na tu ol igo na ikam bai ol yusim ka bilong haus sik tasol.

Mi istap olgeta taim long haus sik geit tasol inogat wanpela mak bilong ol bod memba bilong haus sik.

Na tu lusim bikpela mani long igo na kam long Pot Mosbi. Ol lain istap long opis na lukautim haus sik tu ol ino

strong, ol i pret long ol bod memba na ol tok yes yes tasol na ol ino moa tingting long turangu sik man na meri. Ol sikman ino kisim gutpela kaikai, moning ol givim ti nogat suga na long apinun tu ol kisim liklik kaukau o rais wantaim liklik kumu igo antap long em. 3-pela tin besta ino nap long 150 o 200 sikman, meri na pikinini. Tu long narapela poin mi laik askim olsem ol arapela haus sik tu em wan kain o Kundiawa tasol.

Sampela samting ino stret em: (1) Ol kesuel inogat HDA o High Duty, (2) nogat lip moni, nogat lip, (3) inogat ova taim moni (4) lay off 3 wiks - nogat mani.

Mi lukim dispela 4-pela poin ol manesmen mekim long ol kesuel ino gutpela. Mi laikim pablik na haus sik i mas stretim.

Tenk yu.

Dilu Apa Kundiawa, Simbu provins

Ol meri Kikori wankain olsem ol man

Dia Edita
Mi autim wanpela wari bilong mi ino stret long ai bilong ol man. Mi wanpela mangi long Mauten Bosavi long Sauten Hailens provins na mi wok olsem senso operata long Kikori eria long Galf provins. Na nau mi stap long Kimbe, WNBK. Mi lukim ol meri long Kikori, omati. Ating olgeta Galf wankain olsem ol man. Ol ino save long werim sket. Ol save long werim siks poket tasol. Na long Kimbe tu wankain. Ating yumi ol man mas werim sket bai orait ya? Mi lukim ol man pulim lain long rot na mi laik go toktok wantaim ol tasol mi painim maut olsem em ol meri ya. Olsem na dispela kain pasin bilong yupela ol meri ya

maski. Sapos yupela ol meri putim trausis na putim sket antap em bai rait olgeta. Yupela werim olsem em ating man ya bai pundaun kirap ikam na askim laik long yu. Na yu werim trausis tasol na wokabout long ai bilong pablik em yumi bai kolim yu wanpela kain meri. Sapos ol man tok olsem yu bai seim o nogat. Olsem na maski long werim skis poket nau. Oke sapos yu wanpela meri o man ridim dispela Wantok niuspepa na yu laik agensim mi, rait i kam long mi long Kimbe long dispela adres: KST Transport, PO Box 43, Kimbe, WNBK.

John Haea Kimbe, WNBK

Pamuk pasin i bikpela nau long Tabubil

Dia Edita
Mi laik autim liklik wari bilong mi. Yes ol PNG graun i nogut nau. Bipo mi no bin lukim o mi no bin harim dispela kain tasol nau mi lukim long Tabubil em i narapela kain pasin pamuk i kamap. Mi lukim olsem ol meri i save wok long kampani ya ol ino wari long yu saveman o digri man. Ol i save mekim olsem, narapela meri i tanim man na narapela meri i tanim meri tru na tupela i save pamuk raun na slip long wanpela rum na wokabout long san tu. Em tupela wokabout olsem ol marit manmeri na i save kros

nambaut. Em dispela kain pasin i bikpela i kamap nau long Tabubil. Em wanem kain pasin nau? Ol i painim man o wanem. Mi lukim ol planti saveman i save wok long maining ol istap na ol meri painim wanem kain man tru ya. Em mi lukim long ai bilong mi yet mi tokaut long niuspepa. Orait nau mi ting olsem olgeta hap long PNG i wankain olsem. Ol save meri istap long Tabubil nogat sem bilong yupela. Ol brata noken tingting long maritim ol dispela kain meri long Tabubil.

Wailapu Igini Tabubil, Westen provins



WANTOK

Publishing Weekly, Wednesday, for Word Publishing Company Ltd.
P.O. BOX 1982, BOROKO, NCD
PAPUA NEW GUINEA

TELIPON: 325 2500
FEKS: 325 2579
EMAIL: word@global.net.pg

PE BILONG WANPELA YIA
52 NIUSPEPA

PLES	AIR
PNG	K140.00
OSTRELIA	US\$67.00
ESIA PASIFIK NA JAPAN	US\$80.00
AMERIKA NA YUROP	US\$150.00

General Manager:
Jeremy Burgess

Editor of Wantok:
Yakam Kelo.

Printed and Published by Jeremy Burgess, at Allotment 2, Section 209, Spring Garden Road (Poreporena Highway), Hohola, for Word Publishing Co. Ltd.




OL PAS

Dia Edita

Wantok Niuspepa P.O. Box
1982, Boroko NCD - Phone: 325 2500
Fax: 325 2579
Email: word@global.net.pg


Papua Niuspepa

Septemba 16th



28th
KRISMAS
na i gehet
yet! **2003**

Spesel saplimen bilong **WANTOK** *nuspepa*



Edukesen em invesmen bilong gavman

Toktok bilong MICHAEL LAIMO, MP, MINISTA BILONG EDUKESIN na MEMBA BILONG SAUT BOUGAINVILLE

Gritings

TWENTI EIT (28th) Independens anivasari gritings bilong mi i go long yupela olgeta Papua Niugini long wanem hap yu stap long em.

Introdaksen

Dispela em i gutpela taim long tok tenkyu i

go long ol bipo provin-sol na nesinel lida na ol lida bilong tude long ol i holim strong kantri bilong yumi we i gat kainkain tokples na kastom i stap. Long wanwan ol narapela taim politiks, ikonoms, sosel na lo na oda pasin i bin traim strong bilong demokrasi tasol yumi olsem kantri i bin sanap strong, olsem tok ol i save tok- maski

yumi pundaun yumi no lus olgeta, yumi ken sanap gen. Independens De em i taim we yumi mas luk-luk long 15 pesen man-meri husat i save wok long fomal ikonomi na painimaut sapos yumi i mekim wok stret long dispela sait. Long wankain taim tu dispela em i taim we 85 pesen manmeri long ol ples i mas lukluk bek na

askim sapos ol i wok hat long helpim ol yet. Na em i taim tu bilong painimaut strong na wok bilong gavman sevis i go long ol ples lain. Bihain long 28 yia mipela i gat planti bilong amamas long em na long wankain taim tu i gat planti samting bilong kisim moa gutpela sindaun we i gat ol heve i go wantaim. Mipela i no kamap yet long strong trutu bilong mipela na nesinel devel-opmen na long kamapim gutpela wok bilong bringing sevis i go long ol pipel.

askim sapos ol i wok hat long helpim ol yet. Na em i taim tu bilong painimaut strong na wok bilong gavman sevis i go long ol ples lain. Bihain long 28 yia mipela i gat planti bilong amamas long em na long wankain taim tu i gat planti samting bilong kisim moa gutpela sindaun we i gat ol heve i go wantaim. Mipela i no kamap yet long strong trutu bilong mipela na nesinel devel-opmen na long kamapim gutpela wok bilong bringing sevis i go long ol pipel.

askim sapos ol i wok hat long helpim ol yet. Na em i taim tu bilong painimaut strong na wok bilong gavman sevis i go long ol ples lain. Bihain long 28 yia mipela i gat planti bilong amamas long em na long wankain taim tu i gat planti samting bilong kisim moa gutpela sindaun we i gat ol heve i go wantaim. Mipela i no kamap yet long strong trutu bilong mipela na nesinel devel-opmen na long kamapim gutpela wok bilong bringing sevis i go long ol pipel.

askim sapos ol i wok hat long helpim ol yet. Na em i taim tu bilong painimaut strong na wok bilong gavman sevis i go long ol ples lain. Bihain long 28 yia mipela i gat planti bilong amamas long em na long wankain taim tu i gat planti samting bilong kisim moa gutpela sindaun we i gat ol heve i go wantaim. Mipela i no kamap yet long strong trutu bilong mipela na nesinel devel-opmen na long kamapim gutpela wok bilong bringing sevis i go long ol pipel.

Aksivmen

Em i 10-pela yia nau edukesen rifom i bin kamap. Long dispela ol yia mipela i kisim dabol namba bilong ol mangi long enrol long nesinel edukesen sistem we luk olsem milien mangi mipela i bin kisim. Mipela i mekim gut long dispela sait we i lukim tu olsem mipela i no hapim namba bilong mani long kisim moa ol sumatin. Dispela em i bikpela kaikai tru bilong wok bilong mipela.

askim sapos ol i wok hat long helpim ol yet. Na em i taim tu bilong painimaut strong na wok bilong gavman sevis i go long ol ples lain. Bihain long 28 yia mipela i gat planti bilong amamas long em na long wankain taim tu i gat planti samting bilong kisim moa gutpela sindaun we i gat ol heve i go wantaim. Mipela i no kamap yet long strong trutu bilong mipela na nesinel devel-opmen na long kamapim gutpela wok bilong bringing sevis i go long ol pipel.

Vison bilong Edukesin

Vison bilong mipela i olsem mipela i laikim bai Papua Niugini i mas stap long belisi, sanap long strong bilong em yet na mas luksave long wanem samting em i gutpela na wanem samting em i no gutpela, we ol manmeri i save long rit na rait, save long wokim na kamapim samting.

Mipela i introdusim elementri edukesen long kisim na helpim ol manki long ol i ken lainim samting long tokples bilong ol yet, we i isi long lainim samting hariap. Ol i lainim samting we i pas wantim laip bilong komyuniti bilong ol na kalsa.

Planti taim toktok i kamap olsem yumi stap long bung-rot (yumi no save wanem rot bai yumi i kisim). Na narapela 10-pela yia bai i wanpela hatpela yia bilong developmen bilong yumi long olsem pipel na kantri.

Mipela i hap tu namba bilong ol meri long go long skul. Taim mipela i bringim gred 7 na 8 i go long praimer skul mipela i mekim na ol manki we inap pinis i skul long gred 6 (70 pesen) long pinisim skul bilong ol long gred 8.

Dipamen bilong Edukesin i stat pinis long mekim wok bilong askim na bekim long painimaut na redim narapela Edukesin Plan bilong 2005 i go inap long 2014 long helpim yumi long go long stret-pela rot.

Mipela i dabolim namba bilong manki i go long gred 9 na 10 na tu hapim namba bilong ol manki i go long mekim gred 11 na 12-long 2000 wanpela yia tu 12000. Planti bilong ol primari tisa nau i pinisim gred 12 na ino gred 10 olsem bipo.

Dispela nupela plan bai sanap antap long wok bilong edukesin reform na long wankain taim tu bai i mas i gat toktok long skil developmen (save bilong wokim samting) na sanap bilong yumi yet. Mipela i bilip olsem long lainim gutpela pasin na save em i pasin tru tru.

Long ol voksesinel na teknikal edukesin sot tem kos, dispela i helpim wanwan ol manmeri long mekim kamap gutpela sindaun long komuniti bilong ol na olsem Nesinel Tred Testing Sistem i stat long wok.

Edukesin, Nesinel Developmen na Kos bilong Developmen

I gat bikpela luksave long invesmen long Edukesin na 'Humen Kapital' long wol olsem dispela em i draiva bilong kamap long gutpela ikonomi na sosel progres. Edukesin na trening em ol invesmen bilong gavman na ol famili long kisim kaikai bilong ol long bihain taim.

Bikpela Amamas Tru!

Papua Niugini

long dispela

Independens de....



Telikad

Connect anywhere, anytime.

It's as easy as:



- 1 Dial 123 and follow voice prompts.
- 2 Enter your 12 digit card number.
- 3 Enter the telephone number.

Telikad makes every phone, your phone!



TELIKOM PNG Limited
After we're really talking!



TELIKOM PNG LIMITED

Now we're really talking!

Tingim hevi bilong yumi long Independens de

TOKTOK BILONG ASBISOP SIR BRIAN BARNES, OFM, KBE, MBE, DD- ASBISOP BILONG POT MOSBI

Mi ken tingim long sampela yia i go pinis wanpela lapun man i putim wanpela singlet na rait long dispela singlet i tok: "Lapun i save." Em i tru save i go wantaim yia. Tasol i no olgeta taim!

Mipela i amamas gen long dispela mun long Independens bilong Papua Niugini, 28 yia i go pinis long 1975 taim Papua Niugini i kisim luksave olsem em i wanpela kantri. Mipela olsem kantri i no inap tok olsem mipela i lapun tasol long ol dispela 28 yia long stap na taitim bun long stap olsem kantri mipela i mas i gat strong na gat save long wanem mipela bai i wokabaut long ol yia bihain.

Mipela i gat Mama Lo we i soim hatwok na save bilong yumi long redi na olsem yumi ken pulap na kisim amamas long kain Lo yumi kamapim. Dispela Mama Lo i soim yumi vison na rot bilong wokabaut. Mipela i gat demokertik pasin we i bin stap strong long ol taim nogut. Mipela i bin mekim gut na olsem yumi gat strongpela na gupela ol lidaman.

Tasol yumi bin i gat ol lida, husat i makim ol pipel na ol bikpela wok manmeri husat lidasip traibunal (kot bilong ol lida na ol bosman bilong gavman) i laikim na olsem sampela bilong ol dispela lida em ol i bin salim i go long kot long sasim ol. Yumi ken tok tru olsem PNG i gat nem nogut long wanem sampela ol lida we yumi save gat gupela bilip long ol i mekim ol pasin nogut. Na mani ol i paulim i go moa long million kina. Dispela ol pasin i kamap na yumi ken askim sapos yumi lainim long noken mekim gen kain pasin olsem? Sapos yumi ken luksave long kain pasin nogut na i no ken bihainim orait dispela em i gupela save.

Ol lain husat i mekim lo i mas pasim ol hul i stap long Lidasip Kod.

Olsem ol lidaman o bikpela pablik manmeri i noken risain long Palamen o long wok taim kot i painimaut olsem ol i asua. Na dispela mekimsave bilong ol man i no ken kamap lida gen inap long 3-pela krismas em ol man i lap long em. Ating 10-pela yia i moa gupela o sapos nogat ol dispela man i noken kamap lida gen long laip bilong ol. Ating Lidasip Traibunal i mas i gat ol pawa bilong wok painimaut i go insait long ol lida na i gat pawa bilong givim mekimsave.

Narapela bikpela hevi yumi gat long em em long planti raskol pasin na dispela tru tru i no

inap long helpim yumi long sindaun gut long laip bilong yumi. Olsem na:

Gavman i mas strongim lo bilong vegrensi ekt (o lo bilong manmeri i noken stap na raun raun nating long taun). I luk olsem gavman i no strongim dispela lo long wanem em i pasim wanpela bikpela Mama Lo we i toktok olsem olgeta manmeri i gat rait long wokabaut long wanem hap ol i gat laik na tingting long en. Long dispela lo gavman i mas kamap wantaim narapela kain lo we i traim long stapim ol husat i nogat wok i mas go bek long ples o stap long ples na mekim kamap ol wok long ples.

Gavman i no kamap wantaim wanpela kain lo olsem na ol manmeri i nogat wok long taun i stap yet na kamapim kainkain hevi. Ol dispela lain i no kamapim hevi nating, nogat. Ol i mekim long stap laip.

Sapos gavman i no stretim bai polis i sasim ol man olgeta taim na ol kot i nogat mani long sindaun na harim planti bilong ol dispela rong. Na olsem olgeta taim i gat planti sas i wetim kot long painimaut sapos ol manmeri i mekim rong o nogat.

Narapela samting em long ol rot bilong mipela long ples. Sapos ol rot i gupela ol manmeri i no inap kam long taun bikos ol i ken kisim ol gaden kaikai na kam long maket na painim mani o salim kakao, kopra na kofi bilong salim na kisim mani. Taim ol rot i bagarap ol manmeri i nogat we bilong salim samting bilong ol na kisim mani na olsem ol i go long ol taun long painim wok na kisim mani. Tasol olgeta i no inap painim wok na kisim mani na olsem planti bilong ol dispela manmeri i mekim kainkain pasin we planti pasin i no gupela na olsem ol i painim hevi wantaim lo.

Na olsem long ol stori yumi harim olsem ol manmeri long Drekkir long Is Sepik Provins i givim mani bilong ol yet long stretim rot i go long hap bilong ol i gupela stori stret. Na Western Hailans Provinsal gavman i givim namba wan tingting long stretim rot i gat mining long wok bilong em. Tasol long Hailans Haiwe em gavman i mas painim sampela kain we bilong stretim dispela rot hariap tru.

Yumi amamas long pasin nesenel gavman i mekim long painim we bilong sevim na kirapim ekonomi bilong kantri na planti bilong ol dispela plen em i bilong longpela taim i kam. Yumi lukim strong

bilong kina i groa gen taim em i pundaun long .19 toea egensim mani bilong Amerika (US dola). Na prais bilong ol samting olsem oil na gol i go antap na dispela i strongim Kina bilong yumi.

Na tingting na toktok bilong strongim wok maining na agrikalsa i moa gupela.

Tasol gavman long lukautim gut mani bilong em i mas rausim sampela hap we i wok long kaikaim mani nat-

ing. Dispela bai sevim mani bilong em.

Na dispela tokpait long Australai AID (mani Australia gavman i save givim wan wan yia long helpim kantri) namel long Prais Minista bilong PNG Sir Michael Somare na Australia Prais Minista John Howard i mas kisim sampela luksave. Australia i laikim bai mani em i givim long PNG i wokim wok na i mas go long wok we em i mas i go. Tasol PNG i tok em i mas tok

long wanem hap mani i mas i go na i no Australia i tok. Dispela em hevi nau i stap.

Long stretim dispela belpen PNG i no ken kisim long poin bilong em olsem em i kantri na i nogat narapela kantri i gat rait long tokim em long wanem samting em i mas mekim, nogat. Em i mas kisim poin tru olsem i gat ol hap we i save dispela mani bilong Australia bai i helpim gut tru. Australia i givim bikpela helpim long taim bilong

Indipendens long 1975 i kam inap nau na nogat narapela kantri i ken winim Australia long kain helpim em i givim, maski Esia em PNG i tok long lukim na kisim helpim.

Em i taim nau bilong tupela kantri i mas sindaun wantaim na lukluk bek long dispela Dvelopmen Koperasen Triti na kamapim gupela poroman gen. Na yes i gupela yumi noken stap long strong bilong dispela helpim tasol.



**Siaman bilong Bod
Mr Bamake Rumbam,
Menesmen na ol Wokman bilong
National Fisheries Authority
i laik tok**

*Bikpela Amamas
long*

**Gavman na ol pipel bilong
Papua Niugini long
Selebretim 28th
Independen Eniveseri De!**

Yumi olgeta wok bung wantaim!

CASH IN THE CAN

OX & PALM

1000'S
OF KINA
TO BE
WON

OX & PALM
CORNED
BEEF

K50 CAS

50 CAS

When you open your favourite Ox & Palm 340g tin look under the lid to see if you have won.


You can win instant prizes of K50, K100, K250, K500 or K1000 cash.

TO CLAIM YOUR PRIZE
Send in your winning lid plus your name & address to:

Hugo Canning
P O Box 635
Boroko NCD

Sapotim wok divelopmen

Toktok bilong MATHEW GUBAG,
Membra bilong Sumkar



risos yumi gat, sevis olsem rot, bris, wof, helt na edukesen em ol bikpela samting yumi mas putim i go pas na wok strong long kamapim.

Ol pablik sevis i mas mekim wok bilong ol long harim singaut bilong ol pipel na mekim wok bilong ol maski mani i sot na i hevi long dispela taim.

Gavman i wok long oltaim tokim yumi olsem nogat moni na ol i wok long toktok long ol wok bilong yumi mekim long pulim divelopmen i kam. Tasol yumi noken weit long gavman long tokim yumi long pilim na karim hevi bilong mani na ol wok we i kamapim hevi tude long kantri.

Mi askim yupela long kamapim gutpela tingting na noken driman na mekim samting o yusim nating sapot bilong ol komyuniti.

Mi save olsem ol pipel bilong yumi i save mekim wok na mekim samting i kam olsem na ol i mas gat sapot sevis long mekim ol wok bilong ol. Olgeta pipel i mas sapotim wok bilong kamapim gutpela senis na divelopmen.

Sumkar na Karkar i gat strong bilong kamapim wok bilong pulim na mekim mani we dispela i ken kamapim planti gutpela samting long ol pipel. Yumi mas bilip long yumi yet na sapotim gutpela senis na divelopmen long olgeta wok na sindaun.

Dispela em interes bilong olgeta pipel long sapotim na wok bung wan-

YUMI kamap long narapela yia gen bilong tingim de we PNG i kisim independens. Nau em 28 krismas bilong independens long Papua Niugini. Olsem na nau em taim bilong yumi lukluk i go bek na skelim gen ol gutpela samting yumi kamapim na ol hevi yumi bin bungim.

Wanem hap yumi mekim gut long en, yumi mas mekim gut i go het. Wanem hap yumi bin pundaun, yumi mas senisim long kamapim gutpela senis long ol wok bilong bisnis o ol

Stap na wok wantaim wanem samting yu gat long divelopim yu yet.

wok bilong mekim mani, stretim gut ol pasin bilong yumi, stretim gut ol pasin politiks na soim gutpela lotu pasin bilong yumi.

I nogat taim bilong sindaun na driman long ol samting bai i kam bikos nogat wanpela samting bai i kam nating. Sapos yu laikim divelopmen, yu mas wok long kisim.

Sapos yu laikim mani long poket long baim kaikai bilong haus, yu mas wok long kisim.

Yumi mas lainim long stap insait long ol taim bilong hevi. I gat rot bilong senisim ol samting long kamapim gutpela senis na divelopmen. Em long sait bilong Agrikalsa, ol

taim long ol divelopmen projek na lukim olsem gutpela sindaun na amamas i stap insait long komyuniti na ol samting bilong gavman na arapela pipel i mas stap gut na noken bagarapim nabaut.

Yumi noken sindaun na wetim gavman na ol sios o NGO lain long givim yumi ol samting olgeta taim. Yumi mas soim wanwan sapot na han bilong yumi long mekim samting i kamapim long ilektoret bilong yumi na long yumi yet.

Bung wantaim na mekim samting wantaim em bikpela samting long gutpela sindaun bilong Sumkar ilektoret long bihain taim.

Divelopmen tru long laip em graun bilong yumi.

Long luksave long divelopmen na witnesim na stap insait long em, divelopmen bilong graun em ansa bilong ol dispela samting. Memba bilong Sumkar Mathew Gubag i mekim dispela toktok olsem independens toktok bilong em long ol pipel bilong Sumkar ilektoret.

Mista Gubag i tek olsem gutpela divelopmen i save kamap long gutpela rot na trap kamapim wok na opim rot bilong ol dispela pipel bilong pulim long mekim samting. Nogat bilong ol sindaun nating na noken bagarapim nabaut.

Dispela pasin i kamapim long ol pasin bilong Papua Niugini long 28 krismas i kamapim.

Dispela na sapos yumi mekim long kamapim bilong na insait long mekim long ol yumi mas mekim long divelopmen long graun bilong yumi long mekim long olgeta samting long en na yusim em.

Mi askim olgeta pipel bilong Sumkar long sanap na tokaut olsem nau em taim bilong go het long mekim wok long graun bilong mipela long pie.

I bin gat planti pait na pasin kros long tusaet i pasin bilong graun olsem na dispela i mekim ol wok divelopmen na gutpela senis long kamapim long olgeta samting bilong yumi, Mathew Gubag i tek.

Yumi mas mekim save gut na pien gut long mekim samting yumi laik mekim long yumi.

Mi askim olgeta pipel long luksave long kamapim tru establisment long divelopmen, yu mas mekim long ol wok bilong yumi mas mekim long graun na go het long kamapim tru.


Dispela na sapos yumi mekim long kamapim bilong na insait long mekim long ol yumi mas mekim long divelopmen long graun bilong yumi long mekim long olgeta samting long en na yusim em.

INDEPENDENCE SALE

BIGGEST SALE FULL-OF SURPRISES!!

LIMITED OFFER!

STOCK IS GOING FAST WITH THESE BIG PRICE CUTS!! SO HURRY HURRY!!



SAVE K100

K65.00 FORTNIGHTLY DEPOSIT K102

KITA FR-251 DOOR FRIDGE/FREEZER
1 litre capacity • 2 doors
variable shelves • cyclic system

WAS CASH K1,699 • NOW CASH K1,599 • REG. K1,839



SAVE K630

K34.00 FORTNIGHTLY DEPOSIT K52


TOSHIBA S220GR-B5V 12 LITRE FRIDGE
1 litre capacity • single door
compact and portable

WAS CASH K1,111 • NOW CASH K799 • REG. K1,111

FREE GIFTS

SPEND K50 - K150

GET 1 TREASURE T' SHIRT



1 FREE

SPEND K151 - K300

GET 1 TREASURE T' SHIRT PLUS 1 TREASURE CAP



2 FREE

SPEND K301 - K500

GET 1 TREASURE SLING BAG



1 FREE

SPEND K501 OR OVER

GET 1 TREASURE T' SHIRT PLUS 1 TREASURE CAP PLUS 1 TREASURE SLING BAG



3 FREE


BUY NOW SAVE NOW

COURTS

POWERHOUSE AT COURTS

PNG's Favourite Furniture and Electrical SuperStores

BOROKO Ph: 323 6802	TOWN Ph: 321 2143	GORDONS Ph: 302 5808	GOROKA Ph: 732 2033	LAE Ph: 472 4800	MADANG Ph: 852 3711	HAGEN Ph: 542 1401
------------------------	----------------------	-------------------------	------------------------	---------------------	------------------------	-----------------------



OIL SEARCH LIMITED

Oil Search Limited has consistently persevered in developing the country's oil and gas industry, and our recent appointment as operator of the producing fields is testimony to that.

After 74 years of investing in PNG, the operatorship role gives us control of our destiny as well as unprecedented leadership to control investment, drive programmes and reduce costs.

We thank the government and people of PNG for your continued support & wish you happy 28th Independence Anniversary.

Oil Search Limited - PNG's Premier Oil & Gas Company.

Visit us at www.oilsearch.com





• Mariko Ibara (raithan) bilong Japan i karim sel bilong kambang em i kam long Trobriand Ailan long Milen Be provins . Em i sanap namel long tupela liklik meri Trobriand na Wes Sepik. Mrs Ibara husat man bilong em i save wok long Embasi bilong Japan i bin amamas stret long ol kainkain bilas bilong PNG i bin stap long so. Poto: JOE IVAHARIA

All Nation's meri grup amamasim betde bilong kantri

Barbara Tomi i raitim

WANPELA meri grup o l i kolim ol yet All Nations Wimens Grup las wik i amamas indipendens bilong kantri wantaim ol kain kain stail na kalsa bilong yumi.

Ol meri long kainkain kantri long wol i stap long dispela grup. Mak bilong ol meri long grup em 300.

Planti bilong ol dispela meri em ol meri bilong ol wokman bilong ol kantri i gat embasi long Pot Mosbi. I gat ol meri i kam long kantri Rasia, Japan, Malaysia, Indonesia na Australia na ol meri asples yet.

Dispela ol meri i save bung wanpela de olgeta mun na serim pasin kalsa, serim stail bilong kuk, bilas na henkraf.

Dispela grup i bin stat long 1989 namel long ol meri bilong ol wokman bilong Australia husat i save bung olgeta mun long save long arapela narapela na lainim kalsa na pasin kastom.

Las wik, ol meri PNG i putim kamap wanpela so long makim tu Indipendens bilong kantri we bai kamap long Septemba 16.

Ol i kukim kaikai long stail bilong PNG, ol kaikai olsem saksak, taro, banana, tapiok na ol kumu na abus we ol i putim long tebol na ol meri i kisim na kaikai.

Ol i putim tu ol kaving, basket, mat, bilum, gras-ket na ol bilas bilong danis we ol meri i laikim i ken baim.

Meri i go pas long asples meri, em Joycelyne Bukowa bilong Is Keip long Milen Be provins.

Misis Bukoya i tokim Wantok olsem planti ol kaving na ol henkraf ol i salim em ol wanwan meri grup insait long siti na sampela long ples i bin wokim na salim i kam. Sapos ol dispela henkraf ol i salim, bai em i kisim mani na salim i go bek long ol dispela lain i wokim. Mani bai i no inap go long All Nation's Wimens grup.

Misis Bukoya i tok olsem em i laikim moa meri asples long kam joinim grup. Em i tok em i laikim ol dispela ol meri i stap nating long haus long kam long ol bung bilong ol na lainim sindaun bilong ol arapela lain long ol ovasis kantri na tu lainim pasin na kalsa bilong ol na tu lainim ol long ol pasin na kalsa bilong yumi tu.

PNG i 28 krismas nau

Yakam Kelo i raitim

PAPUA Niugini bai amamasim namba 28 independens de bilong em gen long Septemba 16. Dispela em wanpela bikpela de insait long kantri we olgeta pipel wantaim Gavman bilong em i tingim de kantri i bin kisim independens long han bilong Australia.

Namba wan Praim Minista Michael Somare long dispela taim i bin kisim kantri i go long independens na nau em i kamap Praim Minista gen bihain long 28 krismas long lukim 28 independens bilong kantri.

Taim dispela independens de i laik kamap, gavman i wok long


toktok na tasim wanpela bikpela toktok we i sut long independens bilong kantri. Independens em i olsem, sanap long lek na strong bilong yu yet.

Gavman i wok long toktok i go kam wantaim Australia gavman long helpim mani o aid Australia i save givim long olgeta yia. Dispela aid i mak olsem K600 milien long olgeta yia. Dispela i soim olsem mipela i wok long kisim strong na helpim i kam yet long Australia.

Olsem na nau Praim Minista Sir Michael Somare i laik senisim dispela tingting na long lusim o stopim dispela helpim. Dispela i min olsem PNG i no inap kisim helpim moa na em i mas sanap

long strong bilong em yet. Em astingting tru bilong independens. Australia i bin lukautim Papua Niugini long bipo tasol em i holim yet han bilong PNG wantaim ol mani na kago bilong em bihain long independens i kam. Olsem na ating gavman bilong Somare i no laik Australia i holim han bilong em moa.

Sapos PNG i laik lusim han bilong Australia, orait dispela em bikpela senis tru ol pipel bilong Papua Niugini i mas redi long kisim. Ol pipel i mas redi long salim inap kakao, kopra, vanilla, fis, gol, kopa na ges na arapela moa long mekim inap mani bilong kantri. Dispela mani tasol bai wokim ol rot na bris na stre-tim ol skul na haus .



TOLUKUMA GOLD MINE

Committed to safety, community and growth
Sanap long sefti, komyniti na gutpela senis

Tolukuma Gold Mine i laik tok

Amamas long

ol pipel bilong Papua Niugini long selebretim 28th Independens de!!

Yumi bai wok bung wantaim!

Tolukuma Gold Mines Limited

(A member of the Durban Roodepoort Deep Group - www.durbans.com)

PO Box 5043

Boroko

Papua New Guinea

Mine site

Tel: (675) 329 9277

Fax: (675) 329 9262

Port Moresby Office

Tel. (675) 311 2899

Fax: (675) 311 2806

28 yia bilong independens long PNG

SEPTEMBER 16 long neks Tunde em bikipela de bilong tingim 28 yia bilong Papua Niugini i kisim independens long kamap olsem wanpela kantri we em yet i ken lukautim em yet. Dispela i bin kamap long 1975.

Long bikipela siti bilong Papua Niugini long Pot Mosbi bai i nogat wanpela amamas olsem singsing o ol pilai nabaut long makim dispela bikipela de bilong Papua Niugini.

Wanpela mak tasol bilong soim dispela bikipela de bilong kantri em long ol ami na plisman bai mas na go long independens hil na pulim flak bilong Papua Niugini i go antap.

Dispela independens hil em hap we Papua Niugini i bin apim flak bilong em i go antap long 1975 long makim sanap bilong kantri yet na Australia i bin daunim flak bilong em long dispela hap.

Tasol long planti arapela hap bilong Papua Niugini long ol provins bai i gat sampela kain pilai o singsing na amamas bilong makim independens bilong Papua Niugini. Sampela provins i redi long brukim kundu na singsing danis long dispela taim.

Sampela provins i redim ol bikipela pilai bilong spot long dispela taim long bungim ol manmeri wantaim na pilai na amamasim dispela de.

Dispela yia em wanpela yia we Gavman bilong Somare i tok ol wok bilong em long train kirapim na ranim gut kantri i wok long kamap gut na kamap strong.

Tupela wik i go pinis Praim Minista Sir Michael Somare i tokaut long taim bilong amamasim wan yia bilong gavman bilong em olsem ol wok na ol samting i wok long kamap gut.

Strong bilong mani i wok long kirapim bek isi isi na ol wok bilong bisnis i

wok kirapim gut nau we sapot bilong ol bisnis i wok long kamap gut. Dispela i poroman wantaim astingting bilong gavman long kamapim na kirapim kantri long wok bilong kamapim ol samting na salim i go long ovasis.

Ol i kolim Ekspot Driven Polisi. Kamapim moa kakao, kopra, vanilla na ol kainkain samting olsem na salim i go long ovasis maket bilong mekim mani na bringim i kam long kantri.

Long las wik tasol ol PNG Manufacturers Kaunsil i tingim na amamasim ol kampani na bisnis we i save mekim gutpela wok bilong ol insait long Papua Niugini.

Siaman bilong Kaunsil Wayne Golding i tokaut olsem PNG Manufacturers i sanap olsem namba tri long Papua Niugini long sait bilong kirapim na strongim ol wok bisnis insait long kantri.

Na tu ol i givim planti wok long ol pipel bilong Papua Niugini mak olsem 22 pesen (%). Dispela i min olsem ol i sanap namba tri long kantri long sait bilong kamapim wok long ol manmeri bilong Papua Niugini.

Gavman i no kamapim wanpela gutpela program bilong amamasim dispela bikipela de bilong kantri tasol planti provins i gat ol program bilong ol yet long amamasim dispela bikipela de.

Em de bilong bilas long purpur na kangal na pairapim kundu na garamut.

Sapos yupela i mekim olsem, orait kilim skin na tromoi lek nau.

Sapos yupela i amamasim independens wantaim ol pilai olsem spot, orait pilai gut na amamas gut.



• Long yang deis bilong em na papa bilong kirapim Independens Sir Michael Somare i mekim sampela toktok long onarim Independens de long 1979 long Goroka. Lukluk long bak-sait em Leit Sir lambaki Okuk olupela memba bilong Kundiawa. FAIL POTO.

Congratulations Papua New Guinea on our 28th Independence Anniversary


Happy Celebrations !!


from the management & Staff of Brian Bell Group of Companies



"The Premier Retailer and Wholesaler of all your Electrical and Didiman supplies throughout Papua New Guinea"

LAE 472 3377 ERIKU 472 1433 GOROKA 732 1622
KOKOPO 882 9027 MADANG 852 1899
LAE HOMECENTRE CITY 472 3200 MT HAGEN 542 1999
HOME CENTRE CITY, GORDONS 325 8469





PAPUA NEW GUINEA FOREST AUTHORITY
NATIONAL FOREST SERVICE

INDIPENDENS ADVATISMEN

Ol wok manmeri bilong Papua Niugini Fores Atoriti salim bikipela tok hamamas go long Gavman na pipol bilong Papua Niugini long makim 28th Indipendens selebresen bilong kantri long Septemba 16, 2003.

Yumi kam long we long taim kantri kisim Indipendens bilong em long Septemba 16, 1975. Long dispela 28 krismas, yumi bungim sampela bikipela hevi olsem Bogenvil, sunami (o bikipela solwara bruk i kam) long Wes Sepik we i kilim moa long 2000 manmeri.


Yumi bungim tu sampela ol gutpela taim, olsem wanbel na yuniti ol manmeri bilong Papua Niugini i soim taim kantri bilong yumi holim Saut Pasifik Gems long 1991.

Pasin birua kamap bikipela long kantri bilong yumi, na planti ol lain bilong yumi save hangre na painim kaikai nabaut, dispela yumi lukim long liklik mangi na meri raun nating long rot na askim long moni na kaikai.

Taim Papua Niugini selebretim 28th Indipendens bilong em, yumi mas askim, Yumi go rong olsem wanem na kainkain hevi wok long bungim kantri bilong yumi?

Planti taim ol lain tok olsem Papua Niugini em wanpela ris kantri, tasol bilong wanem na ol manmeri i stap olsem ol nogat samting (poor)?
Yumi wanwan manmeri mas yusim dispela Indipendens selebresen long skelim pasin bilong yumi yet na wok bung wantaim long mekim kantri bilong yumi kamap gut.

Bel Isi na Marimari bilong Bikipela long Heven stap wantaim yupela olgeta long dispela Indipendens selebresen.



TERRY WARRA
Acting Managing Director

Goroka So bai lukim 50 singsing grup

*12-pela yangpela meri
bai resis long Mis
Goroka So kwin*

James Kila i
raitim

PLANTI bikpela pairap bilong kundu na nek bilong ol manmeri i kamaut stret taim 50 singsing grup i givim samsam long 2003 Goroka Kalsarel So stat long Septemba 12 na 14 long dispela wiken.

Dispela Goroka So em planti lain manmeri insait long Isten Hailans i save kolim olsem Pride of the People o long Tok Pisin em Amamas bilong ol Pipel.

Dispela so em planti manmeri na turis long ovasis i save gut tru long en na tu em i stap olsem bikpela selebresin tru insait long PNG Turism Promosen Autoriti (TPA) kalenda.

Ekting Presiden bilong Isten Hailans Kalsarel So Sosaiti, Auwo Ketauwo i tokaut olsem namba olsem 50 singsing grup bilong ol ples insait long Hailans rijon na tu sampela long nambis bai soim kala na tumbuna pasin bilong ol insait long dispela so.

Mista Ketauwo i tokaut tu olsem dispela yia bai lukim planti ol gutpela samting olsem program bilong glasim ol 12-pela meri long winim Mis Goroka So taitol bilong 2003.

Ol dispela meri i mas bilas long tumbuna bilas bilong eria bilong ol yet na traim ansarim sampela ol kwesten em sampela ol jasman bai askim.

Dispela yia planti edvataising o promosin

bilong Goroka So i lukim planti ol hotel na gest haus insait long Goroka taun i pulap tru.

Ol turis bilong ol ovasis kantri i kamap pinis long Goroka taun na i wok long redi tasol long stat bilong Goroka So long dispela wik Fraide, Septemba 12.

Planti ol gutpela bilas olsem ol lain longpela kangal bilong Bena, Asaro madmen na ol lain bilong Lufa husat i save kaikai na daunim kanda bai stap long So long soim kalsa na pasin tumbuna bilong ol.

Mista Ketauwo i tokaut tu olsem dispela so bai i lukim planti lain sekyuriti i stap long was long ol samting na lukautim wokabaut bilong ol manmeri.




• Ol yanpela meri Goroka i bilas na redi long kirapim das long Goroka So. Ol Foto: JAMES KILA



• Ol Asaroiuka dansas bai mekim bikpela singsing tru long 2003 Goroka So.



• Noken lus ting liklik bras band bilong Goroka bai mekim kainkain stail bilong ol long Goroka so tu .



• Planti kain lukluk, bilas, kalsa na stail bai kamap long dispela 2003 Goroka So. Kam na lukim, bai yu no inap abrusim dispela gutpela so long laip taim bilong yu.



• Tupela fani man bilong Omokoi grup em Andrew Humphry (rait) na papa Omokoi (Perry Rime). Foto: JAMES KILA

Omokoi faniman bai soim pilai bilong em long CIC stol

James Kila i raitim

INSAIT long Isten Hailans provins na tu long sampela taun long Hailans rion plan-ti ol lain manmeri i save long kain fani na tok pilai bilong Omokoi.

Ol dispela lain i save mekim ol manmeri i lap igo aiwara na kus tu i save kamdaun. Kain fani bilong ol i narakain tru na bai mekim yu lap long stat bilong pilai igo inap long pinis bilong en stret.

Dispela tupela fani man husat i save soim tok-pilai bilong ol bifo i save mekim pilai raun wantaim Kanage. Ol i memba bilong Raun Raun Tieta long Goroka.

Tupela bagaros husat i go pas long tok pilai bilong Omokoi em Perry Rime husat em Omokoi na Andrew Humphry em wanpela "kalakets" liklik mangi bilong Omokoi long ekt bilong ol.

Tasol tru tumas kain fani bilong Omokoi i narakain tru na i ken mekim yu lap igo na bai yu bun i lus olgeta.

Long Goroka So tupela fani man ya bai stap long stol bilong Kofi industri Koporesin (CIC) sapos ol manmeri i laik lukim na harim ol toktok na skul ol bai givim.

Omokoi bai stori long gutpela rot bilong kamapim nambawan drai kofi bifo long karim i go long maket na salim.

Perry Rime (Omokoi) i stori olsem long ekt ol bai tokaut o stori long tupela marit long Hailans we ino klia tumas long wasim na draim gut kofi.

Ol memba bilong Omokoi grup husat bai stap long ekt em Perry Rime, Andrew Humphry, Gohu Morumo, Decks Kokore, Mofa Andrew na Lina Kenny.



• Sapos yu stap long hap, plis lukaut long dispela Goroka bras band. Bai ol i kirapim das long Goroka So. Foto: JAMES KILA

Histori bilong Goroka So i gat planti bikpela memori tru

James Kila i raitim

BIKTAUN bilong Isten Hailans provins, Goroka bai lukim planti manmeri tru dispela wiken taim Goroka So i kamap.

Planti ol manmeri bilong ol distriks insait long Isten Hailans na tu ol narapela provins i redim pinis ol singsing grup bilong ol long soim tru kala bilong ol long So.

Eking presiden bilong Goroka So Sosaiti, Mista Auwo Ketawo i tokaut olsem geit fi bilong So long dispela yia em K5 long ol bikman meri na K3 long ol liklik pikinini.

Mipela save olsem dispela geit fi i antap liklik tasol nau yet em kofi sisen na ol manmeri tu i gat moni long poket.

Narapela samting tu em nau yet prais bilong ol samting i antap tru na mipela ol lain long so sosaiti i yusim planti moni tru, olsem na mipela i apim geit fi liklik tasol, Mista Ketawo i tok.

Histori bilong
Goroka So

Nambawan Goroka So i bin stat long 1957. Long dispela taim i bin gat planti ol waitmanmeri na ol leba na ol plisman tasol i wok long stao long taim.

Nau yet em i olsem 45-krismas bilong Goroka So

Nambawan Goroka So i bin kamap long Nesinol De Pak. Dispela hap i gat ples bilong pilai futbol na kriket em ol waitman i save yusim. Nau yet dispela eria i stap klostu long bikpela Goroka maket.

Ol lain ogenaisa long dispela taim i bin salim invitesin i go long ol skul long Wabag long Enga provins long kam tu long dispela taim.

Long dispela So long 1957 i bin gat bikpela eria we ol ogenaisa i redim long soim ol agrikalsa samting. Ol manmeri long hauslain na viles i bringim ol gaden kaikai na soim long eria bilong so.

Wanpela bikpela samting ol i bin soim long dispela taim em ol lain manmeri i mekim wanpela mep o piksa bilong graun bilong Teritori bilong Papua Niugini, we ol i mekim long ol repela na gripela kofi bin na ol i putim antap long wanpela 15-fut trellis. Dispela displei i kisim nambawan prais insait long distrik.

Long dispela taim Goroka ples balus tu i pulap tru. 30-pela liklik balus ol waitmanmeri i satarim i stop arere long eapot. Planti lokel manmeri i guria tru long lukim ol balus i lain-ap olsem.

Wanpela bikpela samting em planti manmeri na tu ol waitman long nambawan taim tru i lukim ol kain kain lain wan-pisin na grup i bung wantaim long wanpela eria tasol na soim kalsa na pasin tum-buna bilong ol.

Wanpela grup we i mekim kamap tru pasin kalsa bilong en long dispela taim em ol lain Asaro madmen. Long 1957 planti ol pikinini bilong lain waitman i lukim na porek nogut tru na kraik na ronowe. Long dispela taim em nambawan taim tru bilong Asaro madmen i kamaut ples klia long pablik long lukim.

Tru tumas, ol birua namel long ol lain wan-pisin ino moa kamap. Olgeta lain i amamas na bung wantaim na mekim singsing bilong ol.


Long dispela taim ol turis i bin kam long planti kain kain kantri insait long wol long lukim Goroka So.

Lida bilong kantri Kenya, Tom Mboya, husat i bin kam long lukim Goroka So long 1965 i tokaut olsem.

Dispela kain pasin bilong wokabout bung wantaim i mekim mi guria tru. Long Afrika yu ino inap long lukim ol lain waitman meri (Europeans) i ken wokabout na miks gut tru wantaim planti ol lain blekmanmeri olsem taim plisman na ami ino stap, Mista Mboya i tok.



• Ol yangpela meri Goroka i redi long brukim ai bilong ol manmeri i kam lukim Goroka So. Foto: JAMES KILA



We bilong Votim ol Nambawan pilaia bilong yu

Plis: NOGAT ticks, NOGAT krosses!
Yu MAS nambarim tripela Bokis olsem 1-2-3

NRL LPV Kempen i stat

NUPELA sistem bilong vot long nesanel ileksen ol i kolim Limited Preferensel Voting (LPV), i stat pinis wantaim wanpela niuspepa resis long skulim ol pipel bilong Papua Niugini long we bilong vot.

Dispela resis em i askim ol manmeri husat i save ridim *Wantok Niuspepa*, *National* na *Post Courier*, long makim namba wan pilaia bilong ol Nesanel Ragbi Lig resis long Australia.

Ol 6-pela NRL pilaia we ol pipel bai inap long vot long ol em Marcus Bai long Melbourne Storms, John Wilshere long St George Dragons, Gorden Tallis na Darren Lockyer long Brisbane Broncos, Andrew Johns long Newcastle Knights na Brad Fittler long Sydney City Roosters.

Kempen bilong dispela LPV, NRL vot resis i op pinis long Mande long dispela wik.

Ekting Iktorel Komisina, Andrew Trawen i opim dispela vot resis long Sande.

Tupela narapela niuspepa i putim pilaia profail bilong wan wan ol dispela 6-pela pilaia long niuspepa na *Wantok Niuspepa* yet i putim olgeta long tude bai ol manmeri inap long save gut long ol dispela wan wan pilaia pastaim long ol i vot.

Kempen taim em bai stap long wanpela wik long Mande long dispela wik inap long neks wik Mande.

Long taim bilong vot i stat, ol manmeri i mas makim ol namba wan pilaia bilong ol aninit long nupela LPV vot sistem.

LPV em i nupela sistem bilong vot na makim ol memba bilong palamen. Namba wan taim we gayman na Iktorel Komisina bai yusim dispela sistem em long ol bai ileksen bilong ol sit we i nogat man i sanap.

Dispela resis bilong yusim LPV long makim ol NRL pilaia bai i namba wan taim bilong PNG long yusim dispela sistem.

Mista Trawen i tok olsem dispela NRL-LPV niuspepa ileksen em i wanpela gutpela samting long skelim gut dispela nupela sistem insait long kantri.


Em i tok olsem dispela i kam aninit long LPV komyuniti awenes progrem bilong Iktorel Komisina.

Dispela NRL-LPV niuspepa ileksen em Midia Kaunsol bilong Papua Niugini i go pas long en long helpim Iktorel Komisina long soim pipel bilong PNG olsem LPV em i isi na em i gutpela we bilong vot.

Ol vota bai gat tripela vot long makim ol pilaia ol i ting ol i namba wan, namba tu na namba tri.

Namel long dispela 6-pela pilaia, man husat bai inap long win em dispela pilaia husat i gat inap long 50 pesen o hap long olgeta tripela vot - 1, 2 na 3.

Mista Trawen i tok olsem ol wok manmeri bilong ol nius midia na ol famili bilong ol i no inap long vot long dispela LPV-NRL niuspepa ileksen.




Insait long dispela tokpiksa, sapota bilong Gorden Talis i vot pinis


- 1 Gorden Tallis
- 2 Darren Lockyer
- 3 Andrew Johns

DISPELA EM TOKPIKSA TASOL
Wanpela gutpela samting long
Limited Preferential Voting
em
YU YET YU MAKIM

Bikpela NRL ileksen bilong PNG NA TU! Yu gat bikpela sans tru long go long Australia olsem wanpela bikman (V.I.P) na lukim stat bilong 2004 NRL Sisen.



**PNG's
NOGAT**





**NRL PLAYER
POLL:2003**

**We bilong votim ol
Nogat long wantok bilong ya**

**Plis: NOGAT ticks, NOGAT krosses!
Yu MAS nambarim tripela Bokis olsem 1-2-3**

PLAYER PROFILE






Gorden Tallis

- Kriamas: 30
- Fes gred gem: 190
- Olpela klap: St George 1992-95
- 8-pela tes long Australia tim 1994-2003 (wanpela olsem kapten)
- Wol Kap 2000 (wanpela olsem kapten Ve Rasie)
- 17 Stet ov Orjion gem wantaim Queensland 1994-2003 (7-pela olsem kapten 2001-2003)
- Tripela Tai serie game na tripela Super Lig Tee 1997
- Joinim Broncos 1997
- Pilal long Brisbane Primaries waning tim 1997, 1998 na 2000.
- Clive Churchill Medal wins 1998.
- Kamap Brisbane kapten 2001
- Pilal olsem sakan roa bilong Aborigin Tim long 2001.

**DISPELA EM
TOKPIKSA TASOL**

PLAYER PROFILE






Marcus Bai

- Kriamas: 30
- Fes gred gem: 184
- Olpela klap: Hull 1996, Gold Coast 1997
- 10-pela gem wantaim PNG Kriamas 1995-2001
- Wol Kap 1995, 2000
- Tim bilong wol Ve Australia 1997
- Joinim Melbourne 1996
- 65 tim / 143 game wantaim Melbourne
- Kamap long Melbourne plus long 1996 na 1997

**Wanpela gutpela samting long
Limited Preferential Voting em YU YET YU MAKIM**


PLAYER PROFILE

John Wilshere

- Fes gred gem: 14
- Klap long St George Illawarra v. Newcastle 2000 (100)
- Olpela klap long St George Illawarra 1997
- Joinim Brisbane PNG Kriamas 1995-2001
- Kamap Brisbane plus long 1996 na 1997
- Kamap long Brisbane plus long 2002






We bilong Votim ol Nambawan pilaia bilong yu

Plis: **NOGAT** ticks, **NOGAT** krosses!
Yu **MAS** nambarim tripela Bokis olsem 1-2-3


PLAYER PROFILE



Brad Fittler

- Krismas: 31
- Fes gred gems: 305
- Olpela klap: Penrith 1989-1995
- 34 gem wantaim Australia 1991-2001, 20 gem olsem kepten
- Kangaroo gems 1990, 1994, 2001.
- Kepten na Australia winim Wol Kap long 1995 na 2000.
- Pilaim 29 Stet ov Orijon gems wantaim NSW (1990-2001) 14 gem olsem kepten.
- City pastaim 1990, City Orijon 1991-1997
- Joinim Sydney Roosters long 1996
- Pilal wantaim Penrith na winim primiasip long 1991.
- Provan-Summons Medal wina 1997
- Kepten bilong Sydney Roosters na winim primiasip Vs Warriors 2002.


PLAYER PROFILE



Darren Lockyer

- Krismas: 26
- Fes Gred Gem: 191
- Olpela klap: Nogat
- 16 Gems wantaim Australia 1998 - 2003
- Pilal wantaim Kangaroo long 2001
- Wol kap 2000
- 16 Stet ov Orijon gem wantaim Queensland 1998-2003. Tupela olsem kepten 2001.
- Tupela Trai seris gems na 4-pela Supa Lig Gems long 1997
- Queensland U17 - 1994, Queensland U19 1995
- Pilal wantaim Brisbane na winim primiasip long 1997, 1998 na 2000.
- Brukim primiasip rekot long 1998 long skorim moa pions (272) olsem fulbek.
- Clive Churchill Medal wina 2000.
- Dally M Fulbek bilong yia 1998, 2001-2002.

PLAYER PROFILE



Andrew Johns

- Krismas 29
- Fes gred gems: 206
- Olpela klap: Nogat
- 18 Tes gem wantaim Australia 1995-2003
- Wol Kap 1995, 2000.
- Kangaroo gem long 2001.
- 21 Stet ov Orijon gems wantaim NSW 1995-2003.
- Kantri Orijon 1995-1996, 2003.
- City, NSW na Australia U19 1993.
- Joinim Newcastle 1993.
- Golden Boot Best Pilaia long Wol 1999.
- Kepten bilong Newcastle na winim primiasip long 2001.
- Clive Churchill Medal wina 2001.
- Dally M wina 1998-1999, 2002.
- Provan-Summons Medal wina 1998-2002.
- Skorim 1,628 pions long winim rekot insait long Newcastle Knights.
- Namba 6 pilaia long primiasip gems long abrusim 1,800 fes gred pions.

DISPELA EM
TOKPIKSA TASOL

Wanpela gutpela samting long
Limited Preferential Voting em YU YET YU MAKIM



OL BENKAS na FAINENS GRUP: SAPOTIM WOA LONG KORAPSEN!

Bihain taim bilong Papua Niugini i stap long han bilong yupela. Yupela wanwan i save long rait na rong. Yupela bin kisim hevi long korapsen, o yupela i sapotim korapsen.

NAU em i taim bilong strongim jastis na klinim het.

YU inap long mekim senis.

YU inap long stapim korapsen, tude.

Soim sapot bilong yu long Woa long Korapsen na bung wantaim Komyuniti Kolisin Egens Korapsen.

Komyuniti Kolisin Egens Korapsen em i kisim tok orait na sapot bilong Midia Kaunsol bilong PNG.

Midia em i olsem wasdok bilong yu. Midia em i wanpela 'was dok' i save lukluk long korapsen na stil pasin insait long komyuniti.

Olsem na mipela i no inap long tokaut long husat manmeri i helpim mipela long stapim korapsen. Lo i lukautim wok na pasin bilong ol ripota long PNG i tok klia olsem:

Ol nius ripota i mas haitim nem bilong ol lain long pablik husat i givim helpim o stori long ol aninit long ol agrimen ol i pasim tok long en.

(PNG Midia Kaunsol Jenerel Kod ov Etik bilong Nius Midia 12c)

Midia long Papua Niugini i wok pinis long bungim sampela nius ripota long mekim wok painimaut bilong helpim ol manmeri bilong PNG.

Long autim toktok bilong yupela ol pablik, mipela i laikim ai na iau bilong yupela.

Mipela i laikim YU long RIPOT long korapsen. Mipela i laikim SAPOT BILONG YU long dispela Wo long Korapsen.

Raitim dispela pepa o fom i stap long dispela pes na salim long pos opis i go long:

**Media Council of Papua New Guinea
P. O. Box 135 Port Moresby.**

Sapot bilong yu bai helpim mipela long stretim gutpela sindaun long bihain taim bilong olgeta manmeri long PNG.

Bung wantaim Komyuniti Kolisin Egens Korapsen na Stapim Korapsen Nau!

Stopim Korapsen Nau!

Kamap memba bilong Komyuniti Kolisin Egens Korapsen Nau!

Pliis pulapim dispela fom na salim i go long:
**Media Council of Papua New Guinea
P. O. Box 135, Port Moresby**
Nem bilong yu na olgeta ripot yu givim bai i stap hait.

1. Yu save sapotim dispela Wo long Korapsen?

Yes mi sapotim Nogat mi no sapotim

2. Korapsen i save givim hevi long yu? Sapos i tru, olsem wanem?

Raitim liklik stori long dispela inap long 50 wod.

.....
.....
.....
.....
.....
.....

3. Yu laikim bai ol i stretim hevi bilong yu?

Yes mi laikim. Nogat mi no laikim.



OL BENKAS na FAINENS GRUP

Nem

Telepon

Taun/Viles

Krismas Man (M) Meri (F)
Adres na bihain bai mipela rait i kam long yu

.....
.....

Woa long Korapsen em wanpela han wok bilong Midia Kaunsol bilong Papua Niugini
- Media Council of Papua New Guinea P. O. Box 135 Port Moresby
Phone: 320 2979 Fax: 320 2978 Email: mediacouncil@online.net.pg
OLGETA TOKTOK MIPELA I KISIM BAI I STAP HAIT

WANTOK

TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 2500 or Fax 325 2579 EMAIL: wordadvertising@global.net.pg

ADALT EDUKESEN

NASU TECHNICAL EDUCATION AND CONSULTANTS

1. ENROLMENT OPEN FOR TECHNICAL COURSES
 - Auto Mechanic, Carpentry, Welding, etc...
 - Must have completed grade 6, 7, 8, 9 10 and above
2. EMPLOYMENT OR APPRENTISE
 - Must have completed P.E.T.T. Courses, Vocational Training, I.C.S. etc.....
3. CASHIER/SALES COURSE FOR LADIES ONLY
 - Must have completed grade 6, 7, 8, 9, 10 or above
4. SHORT COMMERCIAL COURSES
 - Stock Taking, Bank Reconciliation, Petty Cash, Management, etc.....
5. COACHING OF SCHOOL CHILDREN
 - Grade 5, 6, 7, 8, 9, 10, Code Students etc.....

Entry test opens for 2003.
Telephone: 325 9976/326 3477/310 9376
Location: 4 Mile


BINS VANILLA

BEANS VANILLA PURITAU LTD

Attention: Vanilla Farmers!!

We buy quality vanilla beans @ good prices.
Freight FREE
Tel: 311 2802; Fax: 311 2551
Email: puritau@global.net.pg

ELECTRICAL & ACCESSORIES



Call in and see us For all your electronic needs

- * Spare Parts
- * Tools
- * Equipments
- * Repair to TVs, Radios, etc

We are located at the corner if Wards Road and Spring Garden Road, Hohola, NCD.

Ph: 325 1952 Fax: 325 4743

MINING KAGO

THE GOLD PAN

Liklik Maining Masin bilong Salim
Proline Gol gredge, 2.5", 3", 4", 5" na 6" hai banka comb, Metol detekta, Stus bokis, Gol dis, Gol wil, Rok krassa, Mekuri ritot na Planti moa ol masin bilong helpim yu kisim Planti gol hariap long taim yu wok gol.
I gat ol sevis long helpim yu painim gol long Ples bilong yu.
Mipela save baim gol na tu givim skul long Hao long baim na salim gol. Long olgeta Tunde na Fonde mipela save soim ol man we masin bilong mipela i save wok.

Contek Gol Pan
POM - Phone/Fax: 323 6052 or fax: 325 2959
Wewak - Phone/Fax: 856 1466

PISIN TANIM TOK



TRANSLATION
WORD PUBLISHING IS OFFERING
TRANSLATION SERVICES,
TRANSLATE ENGLISH TO
TOK PISIN & MOTU

FOR MORE INFORMATION CALL BONNER HUI ON
PHONE 325 2500 OR FAX 325 2579.
email: wordadvertising@global.net.pg

BAIM GOL

Gol Baia - Metals Refining Operations

Givim gutpela prais insait long kauntri bilong yumi. Ino namel man ibaim long yu.
Kam na salim gol bilong yu stret long opis bilong MRO.

MRO istap long Seksen 451, Alotment 2, Kuila Estate, Kameron rot, Waigani
P.O. Box 3980, Boroko, NCD
Papua Niugini

Phone: 325 2647 or Fax: 325 2959

LITERESI

Nesanel YWCA

i sponsorim wanpela kompetisen bilong ol man na meri husait i winim 18-pela krismas long rait. Dispela em long makim dei bilong Nesanel Literesi wik, we bai i kamap long 8th igo inap long 12th Septemba long dispela yia. Dispela ol man na meri i mas stap long literesi skul o greduet pinis long kain skul.

TOPIK: Wai na em i impotent long mi long save long rid, toktok na rait long Inglis? Longpela bilong stori em 1-3 peges. Yu ken rait long tokples, tok pisin o motu.

Sapos yu rait long tokples, givim long pasto, kaunsol o inglis tisa bilong yu long tanim igo long motu, tokpisin o inglis bai ol jas iken ridim. Dispela man o meri mas sain long soim olsem ol i tanim tokples.

Dispela kompetissen bai pas long 17th Ogas long dispela yia.

MENESMEN SEVISES



MANPOWER

Management Services Limited
(Fast and Efficient Service)

- Training & Localisation programs
- Work Permits
- Visas
- Company Incorporations
- IPA Certifications
(Reminders automatically remitted)

Contact: Helen, Liz,
Telephone: 321 5491 / 321 5492
Facsimile: 321 5493
Email: manpower@daltron.com.pg



ISLANDS HR MANAGEMENT SERVICES LTD

A bridge to your future career
Specialise in the following activities

- HR Management
- Business development
- Rural / NGO Funded projects
- Training & Localisation
- Recruitment & Labour Hire
- Passport & Work Permits
- Secretarial Service

We are located at
Suit 8 Level 1 Garden City, Angau Drive, Boroko

Email: islandshrmc@datec.net.pg
PO Box 889, Boroko, NCD
Ph: 323 4955; Fax: 323 4799

MARASIN PRODAKS

BIO-NORMALIZER

A Product of Scientific and Medical Research by Dr Jame Akira Osafo, a Japanese renowned Scientist and Doctor.

A PRODUCT THAT HAS ABILITY TO CURE:

- Diabetes, Disease of the Liver, Heart, Kidney, Hepatitis A, B, Paralyze, Epilepsy, Stress, Mental Disorder, High Blood Pressure and much more.

This Nutraceutical product is totally safe and use by various age group including pregnant mothers, new born babies, etc...

For more information
Phone/Fax: 323 1712

Our Office:
Champion Parade -Town
Garden City Ground Floor

PLAWA GADEN



COUNTRY CLUB
GEREHU WAIGANI BOROKO

- Plants for Sale
- Hire Plants
- Garden
- Maintenance
- Plastic Pots
- Manure

Manure K8.00
Potting Mix K25.00
Over 50 items kept in stock

Ph/Fax: 325 5049

PRINTING



For all your Printing Requirements call

THE PRINTING HAUS

P.O. Box 6396 BOROKO, NCD
Ph: 325 2415, Fax: 325 4743

OR

Come in and see us we are located along the Poreporena Freeway opposite SP Brewery, Gordons.

SKIN PROBLEM

SKIN PROBLEMS?

Specialist skin doctor, Dr. Talvat is now available for Consultation in Port Moresby. Please call Sr Viviene on 323 6700 or fax 323 0009 for enquiries and appointment.

If you have no excess to telephone, feel free to visit the PIH Clinic located in the Pacific Pharmacy within the RH Hypermart, Kennedy Road, Gordons.

SEKANHAN KLOS

FRIENDTEX LTD WHOLESALE
P.O. Box 5049, BOROKO, NCD
Ph: 323 1471 Fax: 323 1479

NEW ARRIVALS
and stocks in hand

Jeans, Skirt Pants, Floopy, Hennaed Shorts, Blue Jeanss, Collar T/S, Pollo T/S, Bedsheets, Golf T/S, Bedsheet/Pillow case, Cut Jeans, Childre Mix, Baby Ramage, Printed colour T/S, Work wear, Flannel Shirts, Skirts, Socks, Mix Shorts, Jeans Shorts, Bra, Light Zipper Jackets, Shces, Blankets, Cargo Pants/Shorts, Brown bales Mix 200kg

Come and see what we've got in our wholesale

Location: Kenmore Trade Centre Unit 11, next to Arnotts Biscuit Factory, off Cameron Road, Gordons, NC.D

TREID NA EKSPOT

FAIRFAX EXPORTS LIMITED

LICENSED CROCODILE SKIN TRADERS AND EXPORTERS

We Buy Crocodile Skins
MON - SAT

BURNS HOUSE
STANLEY ESPLANADE
PORT MORESBY

Tel: 321 4755
Fax: 321 4751

X-RAY

PORT MORESBY IMAGING LTD

X-Ray Ultrasound Scanning
For Employment/Visa/School
Medicals

- WE ARE FAST
- WE ARE EFFICIENT
- WE ARE THE BEST

Location: Dr. Mola's Hospital, Taurama Road

Phone: + (675) 325 1140
Fax: + (675) 325 9740

Email: atanu@online.net.pg



WANTOK KLASIFAIID

SAPOS YU LAIK ADVATAIS O SAVE MOA LONG KLASIFAIID PES BILONG MIPELA, RINGIM BONNER HUI LONG 325 2500 O FEKS LONG 325 2579
EMAIL ADRES EM wordadvertising@global.net.pg

FRI PRAIVET KLASIFAIID

Melanesian Directory (PNG)

Any male or female of all ages seeking penpren in PNG and overseas should enclose K5.00 for postage to: P O Box 3608, Boroko, NCD or fax: 325 0645

Painim Pren na Wantok

Mi painim pren bilong mi, Bob Konbil bilong Tinputz long Bogenvil. Mi lusim em long Balimo Westen provins long yia 1981. Plis rait long mi long dispela adres: M. Umpiah, PO Box 4411, Lae, Morobe Province. Ol arapela i ken rait na tok-save long mi tu.

Mi painim uncle bilong mi husat i bin lusim mi na go long Kimbe. Nem bilong em Raimond Sai bilong Aitape Nuku camp. Plis yu husait save long en long wanem hap em stap long em na adres bilong em, rait i kam long dispela adres: Stanley Lakundu, ABL Office, PO Box 267, Tabubil, Western Province.

Mi painim brata bilong mi. Nem bilong em, DAVID KARE DUMBA. Em stap

long Mosbi long Gordons o long Oro. Plis yu husait manmeri save long dispela mangi, rait i kam long dispela Adres: Mr Taylor N. Bingending, Henz Building & Construction, PO Box 580, Kavieng, New Ireland Province.

Painim Meri bilong maritim

Nem bilong mi PAUL LEMU, Krismas 37. Mi pinisim grade 12 na pinisim didiman training na holim gutpela wok long kampani. Mi painim gutpela meri bilong maritim, krismas 17 igo 36. Salim pas na poto long adres: PO Box 629, Kavieng, New Ireland Province. Baim mi bekim olgeta pas.

Hepi Betde

Hepi bon de igo long MEMBER BALUS. Yu tanim 1 pela yia nau long 05/08/2003. Bon de gritings i kam long Bro Junior Petrus na mama Anna Pet, bikipela amamas tu ikam long wan nem bilong yu Member Michael Mas Karl long Pom City.

TOKSAVE

Tok Save

Tok save kam long Temple Builders Church long Lae. Ol bai hostim wanpela National Healing Crusade long Eriku Oval, Lae.

Day: **Monday to Friday**
Date: **15th to 19th September, 03**
Time: **06:30pm**

Guest Speakers: - Prophet Willie Korogia
- Evangelist Johannes Moriak
- Evangelist Bonanza

ALL WELCOME!!!

yu igat wanem kain sik, problem o hevi, kam long dispela Crusade bai Jisas Krai i oraitim yu.
Ol kainkain Misin tu, mipela invitim yu tu.

Toksave ikam long Temple Builders Church long Lae

TOKSAVE



TOKSAVE I GO LONG OL LAIN ISAVEUSIMPAWA

PNG POWER I LAIK TOKSAVE LONG OL LAIN I SAVE USIM PAWA OLSEM I GAT OL SAMPELA LICENCED ELECTRICIAN NA OL SAMPELA LAIN HUSAT I SAVE GIAMAN OLSEM OL ELECTRICIAN NA OL WOKMAN BILONG PNG POWER YET, I WOK LONG KISIM MONI LONG OL MANMERI NA WOKIM OL ILIGOL KONEKSEN I GO LONG OL HAUS BILONG OL.

PNG POWER I WOKIM WOK PAINIM AUT NA SASIM PINIS SAMPELA BILONG OL DISPELA MANMERI HUSAT I WOKIM ILIGOL KONEKSEN NA KISIM PAWA I GO LONG HAUS BILONG OL, NA BAI OL I GO LONG KOT.

PNG POWER I ASKIM YUPELA PABLIK LONG RIPOTIM HUSAT MANMERI YUPELA I SAVE I WOKIM ILIGOL KONEKSEN LONG PNG POWER LONG DISPELA TELIFON NAMBA, 324 3500 OA 3243131 OA YU KEN GO LONG HETKOTA BILONG PNG PAWA NA KOTIM OL.

SAPOS YU STAP LONG OL ARAPELA TAON NA YU SAVE LONG DISPELA KAIN PAOL PASIN I KAMAP, YU KEN GO LONG PNG POWER OPIS LONG HAP YU STAP NA PUTIM RIPOT.

TOKSAVE I KAM LONG
PNG POWER PABLIK RELASEN

FRI PRAIVET KLASIFAIID

Wantok niuspepa i nau givim nupela sevis long kastomas bilong mipela long fri praivet advataising igo long ol wanwan manmeri. Sapos yu laik salim ol samting, painim pen pren o painim wok? Mipela tu i oraitim ol betde o man indai. Filim in dispela kupon daunbilo. Mak long raitim tok-save em inap long 50 wods tasol.

Salim i kam long : P.O. Box 1982, Boroko N.C.D, PNG o feksim i kam long 325 2579

Yu inap long salim email tu long wordadvertising@global.net.pg

FRI ADVATISMEN KUPON

Subjek.....

Olgeta toktok i mas stap long kapitol letas tasol.

TEXT:.....

KASTOMER INFOMESEN

NEM BILONG YU:

KONTEK FON NAMBA:

KONTEK MAIL ADRESS:

Eksampol:

MI PAINIM WANPELA GITA O UKELEL SAPOS YU TING TING LONG SALIM GITA O UKELELE BILONG YU, MI TINGTING LONG BAIM LONG K100. KONTEK JOE BLOW LONG PON 00000.

INTEREST RATE STATISTICS PROVIDED BY THE BANK OF PAPUA NEW GUINEA

BUSINESS INDEPENDENT MONEY MARKET

Rates Quoted for Term Deposits by the Commercial Banks (%)

	Westpac	ANZ	BSP	Maybank
Up to K100,000		(a)		
3-6 months	4.25	4.50	4.00	5.25
6-12 months	4.25	4.75	4.25	5.25
12-24 months	5.25	5.00	4.85	5.50
Greater than K100,000	NEGOTIABLE OR ON APPLICATION			
Indicative				
Lending Rate (b)	14.95	15.00	13.25	15.00
Passbook Savings (c)	3.00	2.00	1.50	3.25

(a) ANZ rates for up to K50,000. Over K50,000 negotiable or on application
(b) Indicative rate upon which lending rate is based.
(c) Passbook savings rate is paid only on the minimum monthly balance.

ANNOUNCEMENT OF GOVERNMENT TREASURY BILL AUCTION RESULTS as at 10/09/2003

Maturity	Weighted average yield of successful bids (%)	Bids received (Kina million)	Successful bids (Kina million)
28 days	18.96	82.88	82.78
63 days	19.36	23.69	19.69
91 days	19.53	54.17	54.17
182 days	19.88	35.02	35.02

THE BANK OF PNG IS OFFERING THE TAX FREE INSCRIBED STOCK FROM ITS PORTFOLIO

Series	Maturity	Yield (1) (%)	Holdings (Kina)
S242003	1 March 2003	8.45	9,439,300.00
S252004	1 Jun, 2004	8.60	19,193,000.00

For further details & application
Telephone: 322 7360 or 322 7271
(1) Tax exempt

All Stars sempion sip de i senis

Paul Zuvani i raitim

PAPUA Niugini Nesinel Basketbal Federesen i surukim Nesinel All Stars Sempionsip pilai bilong em i go long Oktoba 4 na 6 gen na i no long dispela Independens wiken olsem em i bin makim bipo.

Dispela long wanem eking Federesen presiden Giamsa Yagas i tok ol senta we bai mas kamap long ol dispela pilai i no givim yet nem bilong ol na dispela i mekim hat long Federesen i kamapim ol pilai.

Long muvim ol dispela pilai i go long Oktoba em bai givim taim long ol asosiesen i givim nem bilong ol na tu long dispela taim Federesen bilong Basketbal Asosiesen (FIBA) Osenia Basketbal Developmen Opisa Jon Hoyley bai i stap insait long kantri na mekim lukluk raun bilong em.

Yagas i tok ol pilai hia bai kamap long Lae na Hoyley pastaim bai kamap long Lae long Septemba 24 na lukim

Anda 20 nesanel sempionsip na bihain bai lukim All Stars nesanel sempionsip. Bihain long dispela em bai givim Level Wan (1) kosing klinik long ol lain long Lae na long dispela Noten rijon. Bihain long dispela em bai go long Pot Mosbi na givim Level Wan kosing klinik long ol lain long hap.

Yagas i tok ol afiliet asosiesen tasol i gat tok orait long kamap long ol dispela pilai.

Na em tok nominesen de bilong ol asosiesen i givim nem bilong ol bai pas long Septemba 30.

Nominesen fi em K300 na ol wanwan asosiesen i ken givim nem bilong ol long Lae Basketbol Asosiesen presiden Ben Davis na ringim em long telepon namba 473 7222 na baim fi bilong ol i go long Lae Asosiesen BSP Lae Brens akaun namba em BSP Lae 1000 385565. O ol i ken ringim tu Lae vais presiden Jom Kalop long telepon namba 422 1166.

Long wankain taim tu em i askim ol dispela

asosiesen long kam wantaim tupela level wan kosa bilong ol.

Em i tok tu olsem nominesen de bilong ol Anda 20 tim i givim nem bilong ol bai pas long Septemba 24 na ol i ken ring na givim nem bilong ol long Davis o Kalop.

Nominesen fi bilong ol Anda 20 em K200.

Em i tok dispela Anda 20 nesanel sempionsip bai i helpim federesen long makim tim bilong go pilai long Anda 20 Osiania sempionsip long Australia neks Julai, 2004.

Babaka go pas long Mosbi soka resis

STRONGPELA Babaka tim nau i go pas long Pot Mosbi kompetisen pons lata taim ol i nekim PS United 2-1 long mein gem long las wik Sande.

Bipo em ANZ Yunivesiti i bin go pas long kompetisen lata.

Babaka nau i gat 40 pons, Yunivesiti 39, Defence 37, Cosmos 33, PS United 26, Rapatona 24, Blue Kumuls 16, Pot Mosbi United 10 na las tru em Tawala i ron wantaim 6 pons.

Pilai bilong Babaka na PS United i stat gut wantaim tupela tim i soim ol kain stail olsem narapela inap long win.

Dispela pilai stat i go na bihain long 10 minit i lukim PS United i no was gut long ol bal em i kisim na dispela i mekim Babaka i kisim ol dispela lus bal.

Taim Babaka i kisim bal na i mekim ol fulbek bilong PS United i guria liklik na i no traime long was gut.

Dispela i mekim na wanpela midfila bilong Babaka i kisim bal na ron wantaim bal na go long rait han kona bilong United, kikum antap i go long maus bilong gol na wanpela fowat pilaia bilong Babaka i stopim bal na kikum i go insait.

Na skoa i sanap 1-0 inap long fes hap i pinis. United tu i bin gat ol gutpela sans long skoa tasol em i abrus na tu Babaka i gat gutpela gol kipa.

Long sekan hap kosa bilong United Stalin Jawa i toktok strong long ol pilaia bilong em na kepten Nathan Vincent wantaim midfila Adolf Horis i go insait na bekim skoa bilong ol Babaka.

Tasol nogat kosa bilong Babaka David Aua i singaut strong moa yet na lukim straika Jimmy Manau i pinisim win bilong United.

Long pilai bilong Cosmos na ANZ Yunivesiti, Cosmos i sotim

ron bilong Yunivesiti wantaim 2-1 win.

Kosa bilong Cosmos Joe Turia i no bin tingting planti bipo long tim bilong em i pilai wantaim Yunivesiti. Em i save ol mangi bilong em bai i mekim samting tru na holim pawa bilong Yunivesiti. Na stret bilip na tingting bilong em i karim kaikai.

Yunivesiti straika Ben Lakasa i opim gem taim em i pairapim bal i go insait long umben bilong Cosmos na i givim moa strong long ol mangi bilong em.

Tasol ol Cosmos pilaia i no guria na sanap strong long lek bilong ol. Dispela i mekim na ol i go gut na bekim gol bilong ol taim Desmond Sow i kikum penalti gol.

I no long taim gen Cosmos i kisim wanpela kona kik we i lukim Abraham Enoch i kikum bal na gutpela lek bilong Elias Dusal stopim bal gut na pairapim i go namel long ol pos.

Waliya givim belpen long Souths

WALIYA ragbi lig tim i kamapim bikpela sori taim ol i nekim strongpela Souths tim 26-8 insait long Pot Mosbi Ragbi Lig maina semi final pilai long Lloyd Robson graun long las wik Sande.

Dispela bai lukim Waliya i pilai wantaim Tarangau long dispela wiken. Tarangau i lus long Dobo Warriors long wankain pilai.

Waliya wankain olsem Dobo Warriors i no strongpela nem tim olsem Souths, Brothers, Defence o Tarangau tasol long dispela sisen dispela tupela tim i soim tru kala bilong ol.

Hatwok bilong tupela na olsem tupela wantaim nau bai pilai long mesa semi

fainal. Long pilai bilong Waliya wantaim Souths Souths i pilai gut tru long kain stail bilong ol tasol Waliya i no wari long stail bilong em.

Ol pilaia bilong Waliya i bungim tingting wantaim na holim gut ol Souths.

Ol rait mangi Sauten Hailans olsem Alex Hajja, Joseph Omai, David Kaiabe, Roy Amburi, John Pandia, Nelson Wanga na Johnson Kiuke i mekim ol mangi Westen provins i painim hat liklik long brukim banis bilong ol long fes haf.

Souths i winim primiasip tripela taim olgeta na olsem ol i save long wanem hap bilong daunim Waliya.

Tasol stap liklik moa na ol Waliya pilaia i save long wanem ol i mas brukim difens bilong Souths. Na taim ol i brukim difens ol i mekim Souths mekim plantim asua.


Waliya husat nau i gat planti ol mangi Post Puma i holim pas stret ol birua bilong ol. Ol i win long wanem ol i daunim ol yet na pilai gut.

Kosa bilong ol Chris Enara i tok, "Mipela i go insait wantaim bilip long wanem mipela i gat strong na tu mipela i gat ol bikpela bodi mangi olsem "Stanely Douglas, Stanely Hondina na Andrew Endidiki.

"Na long fowat mipela i gat Peter Mon, Joe Sil na David Waima.

**WINIM
K250
PRAIS MONI**

PAINIM BAL RESIS NAMBA 6



RUL BILONG PILAI"

1. makim X long poto yu ting bal i stap long en
2. makim X long pen tasol.
3. Katim poto long sisos na salim long **PAINIM BAL RESIS NAMBA 6**
Wantok niuspepa. P.O. Box 1982, Boroko NCD.
4. Nambawan entri i makim stretpela hap bai i stap, em bai win.
5. Las de bilong kisim ol entri em pinis bilong olgeta mun.
6. Long Wantok bilong Januari 30 bai gat niupela K250 prais moni resis. Bai gat reisi bilong olgeta mun i go inap mun Desemba, 2003
7. Disisen bilong komiti i makim wanpela wina em fainol.
8. Wina bai kisim sek mari, na i no long kes moni.
9. Sapos nogat wina bai skruim win moni i go antap long narapela resis.
10. Yu ken salim moa longwanpela entri, tasol noken yusim poto kopi.
11. Ol wokmanmeri na pikinini bilong Wantok niuspepa i no stap long dispela resis.

Raitim nem na adress bilong yu long hia

Nem:.....

Adres:.....Krismas:.....

Toksave


igo long wina bilong painim bal

Resis No: 2 -


Solomon Skomingo

Catholic Health Service - Kerema

olsem yu mas ringim **Word Publishing Company Ltd opis long Pot Mosbi hariap tasol long telepon namba: 325 2500.**



WANTOK Spots



NRL fainel i stat

- ✓ Raiders Vs Storms
- ✓ Bulldogs Vs Warriors
- ✓ Roosters Vs Knights
- ✓ Panthers Vs Broncos

DISPELA wiken em stat bilong ol 8-pela top tim bilong Nesenel Ragbi Lig (NRL) long Australia i statim fainel bilong ol.

Ol dispela tim em Penrith Panthers, Sydney City Roosters, Canterbury Bulldogs, Canberra Raiders, Melbourne Storms, New Zealand Warriors, Newcastle Knights na Brisbane Broncos.

Broncos i bin laki long kisim namba 8 ples na stap insait long dispela fainel bilong 2003 sisen bihain long Paramatta i bin lus las wik long han bilong Penrith Panthers. Maski Broncos i bin lus long wanpela wari gem tru long las wik taim huka bilong St George Illawara Mark Riddel i bin kisim wanpela 40 mita kik long las 1 minit bilong fultaim long winim Broncos wantaim 26-25 points long fultaim.

Tasol las wik gem bilong Broncos i bin soim klia osem strong bilong em i kamap gen na em i no inap givim wanpela sans long dispela wiken taim em i bungim Penrith Panthers. Panthers i bin winim pinis maina primiasip taitel bilong NRL long las wiken taim em i winim Paramatta.

Roosters em sempion bilong NRL long las yia na em bai sanap strong yet long winim gen dispela taitel bilong em. Kosa bilong ol Ricky Stuart i bin kamap kosa long nupela taim bilong em bihain long em i risain long pilai ragbi na

kisim Roosters i go long gren fainel na winim gem. Osem na strong bilong ol i stap yet wantaim strong bilong kosa bilong ol tu i stap yet. Roosters bai bungim Newcastle Knights long dispela wiken gem.

Top pilaia bilong Knights Andrew Johns i no stap long pilai bikos em i gat bikipela bagarap long nek bilong em.

Panthers i stap namba wan long lata na em bai pilaim Broncos husat i stap namba 8. Sapos Broncos i lus, em bai hangamapim su. Wankain tu em sapos Knights i lus, em bai hangamapim su na wetim neks yia.



• Ruben Wiki bilong Canberra Raiders soim strong bilong em long brukim banis bilong Sydney City Roosters. Raiders em i wanpela bilong ol top 8 tim bilong NRL. Antap: Luke Ricketson bilong Sydney Roosters em top pilaia bilong Roosters ya. Em inap helpim tim bilong em winim NRL taitel gen long dispela yia.

Stori bilong NRL gren fainel

Yia	Primia	Tim i lus
2002	Sydney Roosters	Warriors
2001	Newcastle	Parramatta
2000	Brisbane	Sydney Roosters
1999	Melbourne	St George Illawarra
1998	Brisbane	Canterbury
1997	Brisbane	Cronulla-Sutherland
1997	Newcastle	Manly-Warringah
1996	Manly-Warringah	St George
1995	Sydney Bulldogs	Manly-Warringah
1994	Canberra	Canterbury
1993	Brisbane	St George

Tim i winim moa gren fainel:

14 (St George)

Tim i putim planti poin long gren fainel:

11 (St George 1956-66)

Pilaia i pilai planti gren fainel:

10 Norm Provan (St George)

Referi i lukautim planti gren fainel:

9 Bill Harrigan 1989-91, 1997-2002

Pilai i skorim planti points long gren fainel:

41 points 16G, 5FG Eric Simms (Souths)

Kepten i winim planti gren fainel:

Ken Kearney (St George) 5 win 1956-60

Ol gren fainel we tupela tim wantaim i dro:

1977, 9-all (bihain long ekstra taim) St George v Parramatta (St George won replay 22-0); 1978, 11-11 (nogat ekstra taim) Manly v Cronulla (Manly 16-0 taim ol i pilai gen); 1989, 14-all (20 minits ekstra taim) Canberra v Balmain (Canberra win 19-14)

Lapun pilaia long ol gren fainel:

Ken Kearney (St George) 36 na 123 de long 1960

Yangpela pilaia long gren fainel:

Dennis Tutty (Balmain) 17 long 1964

Kamap kosa na winim gren fainel:

Tom McMahon (Wests) 1952; Norm Provan (St George) 1962; Ian Walsh (St George) 1966; Leo Nosworthy (Balmain) 1968; Phil Gould (Canterbury) 1988; Michael Hagan (Newcastle) 2001; Ricky Stuart (Sydney Roosters) 2002.



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.